

Ekabaka Loengeritai

Jeffersonville, Indiana, USA

60-0515M

1 ...kanu asianut naka ayangaunio mamawok lolo kotoma aijaanakinio naka Akirot. Ido erai e...

Esabiiti loatubor lo, abu eong ajaun nepetai alilim. Mam erai aibecokin ebe alilim; arai eong aitor aigimorio, aigimorio naka akuan. Ido kes nu opotu yesi opuputu, ebe ajai eong adekis. Arai ngin naarai abu eong alot ngina tetere mam eong alosi dobobo abongun kwangin aitubutub ecilet. Arai jo aitwaman akuan kede acuuma naokuju, ka naka okwap. Ido erai kesi, kanginidakikan idis, ejai kesi bobo abongun ainwak kede acuuma nainwaki akojo. Konye ebeit isio aswam ngun, neilosio aijaanakin kinga, kangin ilapio ikanykape. Onac Roberts ka kesi, aomit eong, edumununete lokec kangin ilapio ikanykape. Konye eong mam adumunitor ediokere adaun ikar iwongon.

2 Ationis mam eong amina, akinyet naenyaritai ebe castor, ngin nges ibore bon. Ido ebalas ebe emamei bobo icebore yenedeporete kesi ainakin aiboisi naka ngin, aso abu eong, oo, abu eong adekakin noi nainakinere eong abore ngin. Ijeni ijo, alimokit eong yes kotoma awadikaeta nuka aijaraka, eipone loenakina abore ngin eong adek. Ido-ido angara eong aitwasam abore ngin. Kasodi eong alimokin opaperoka loesiana loerai emuron, arai...arai emamei bobo icebore kere?" Kosodi ngesi atemar ebe, "Mam eong aomit, Onac Branham."

3 Oo, nealomuna aberu ngin toma ngina kede, asubit bala, araibo ajai do eong aiyat, konye, asubit bala quart. A-arai...Mam eong aanyunitor. Ido abu eong eiting ekume kede akiena

Konye kwana, kotoma aitemio kere, ka kere nuabu eong etor toma akoto eong aisialamikin Ejakait kanuka aingito naitekoora. Abu eong atub, akwatat kanuka akwatat; epedori eong alosit adioboisit kere nakoto eong alosit kotoma akwap. Abu eong engit imurok, ebe, ipiritin iuni luajokak kakere, lu, aomit-aomit eong, ko Luisiville. Kasodi eong aingit kes, eong ebe, "arai cabodo eong itomon kotoma akwatat loangwalit?"

Ebalasi ebe, "Emamei ijo angwal karaida adio." Ebalas-ebalas, "Ingalei ijo ejok noi, kangolipone." Ido eyalama eong noi mama ejai Edeke. Nejai ingai bobo tikebunio adepar kanejai Papapwok Lokotoma Akuj, itei jo, kanu ajaut kwangin?

Kasodi ngesi atemar, "eipone loekeirata aokot akonyekon kere itodie, kotoma kangina, idit ijo." Ebalas ebe, "Mam ber ikur luka aokotokon egeunitos aiteg da, arai idiobore." Ebalas ebe, "ingalei ijo noi, Onac Branham."

Kasodi eong atemar ebe, "Eebo, eyalama eong noi."

4 Ido abu eong ajaunos kede arereng ainerakin kede, aitejenar nejai ngininaasit kere kadekis, ka nginimuron, mama ejai Akabakanut naka Edeke. Kasodi emuron ediopet, aomit eong abeit nges ojai ne atupuruc na. Ido eong-abuni eong-Eyalama eong noi ajenun ebe eroko itunga lukajokak ejaas akwap na, itunga lukabeit, itunga luapedorete aitoria eong aanyanario naka akuan, adaun apaarasia akany, na tikeyangaik nepetai idolas akwatarei arai akwatauni kanuka ngin idiopet. Neangetakina eong, apotu kotemasi ebe, "Erai ngi akosigangat mama ejai aswam naka Ejakait, naiswama." Itei ijo? Eebo? Eebo. Mam karaida...ebalas, "Kanukinyo, isurumit ijo isio ileic, karaida aingit, angit ijo arai ejai ijo apesin kede isio." Ebalas ebe, "Ailipikon ber bon kanukosi!"

"Ido kotoma," ebalas ebe, "ijai icebore yenesubanakin yenimam isio ipedori amisiikin." Kasodi eong atemar... "Isio...esubit bala mam erai..." Ebalas ebe. Kokinga, mam ijo iriengunit arai itapasuna. Konye, "ebala, "kotoma, ejai asubakinet namam isio ipedori amisiikin."

Eong ebe, "Korai yesi bon kiboikinos kwap ipak edit, abuni eong alimokin yes." Kasodi eong alomar einer nuka aitapoeta. Arai do akiro nuitegelikina komamakec. Mam ajenete imodiobore kotom kangun. Abu eong alimok kes nuikamunitos Ebaibuli. Kasodi eong alimokin kes nuikamunitos aitapoeta nuabu Ejakait ainak eong apaaran ya, kosodi komonyata kwape kimukerun. Apotu alosikiboikinos kosodete aimony. Kasodi eong...kesi...abu eong atema, "Amuno eong ebe mam yesi iyangarete eong kwape ece arank loka ediini arai ece."

5 Ebalas ebe, "Mam cut, Onac Branham. Eyuunit eong ngin kede ekatau kere." Ebalas ebe, "Konye bon ibore idiopet akoto eong alimun: Mam ijo ilosit osomero aisisiaun iboro ngul." Ebalas ebe, "Eyuunit eong ebe eponitos kama ejai Edeke lokapedor kere." Ido araas ngul iuni kotoma omurok luadekis luapolok ko Louisville, lukajokak kakere luajaatar kesi. Ido, kwangin, eyalama eong noi kanuka ngun, ido kanu ajenunun ebe abu Ejakait koinak eong araikin ikinyomit ngina.

6 Kangininaasit, abu kinerakinos kede kes. Apotu kesi atupuruc adiopet, elomunete kagoola nainwakere akojo, abu eong alimok e...abu eongn asesin aberu naican namojongit. Adeka. Kasodi eong anyikokin alosit kwap, aijesar kiton neadumunia eong nges. Aomit eong ebe aticepak ejai atwanare. Kasodi eong atemar, "Inac, akoto eong angit ijo aingiset."

Ebala ebe, "Eebo."

Eong ebe, "Ijo irai Akristayot?"

Kosodi atemar ebe, "Arai eong naka Okanisa ice."

Kasodi eong atemar ebe, "Akoto eong bon aitacaun na mot." Eong ebe, "Akoto-akoto eong ajenun arai irai ijo Akristayot, Akristayot obe. Ebe, arai kitubor ijo anyoun angolol naka aijar, kiton akwap ya, ijo imina Nges?" kasodi eong atemar ebe, "Ijo cut tikitajari?"

Kosodi atemar ebe, "Eebo, ipa. Tiketajari eong."

Kasodi eong atemar, "Kisirereng do Edeke ekonitau. Mamace nekusi ekwam, edolit jo, bon ebe esalit kwapekwangin."

Ido korai ti oni airimor, ipu itunga lueroksi ideuna akwap.

7 Kwana, alomunit lolo eong kede aitapoet na abuni eong alimokin yes ekaulo. Ido, akoto eong einer ber, kotoma akirorot adio, naarai eyuunit ebe epolok nuka akirot noi, naepol kakere Kwapekwana.

8 Ido eyalalma eong aanyun Charlie Cox, kede, Onac, nepepe ka opaperoka loebwoi kangina. Onac mam eong apedori aoomoom...Jeffries, emurokinit eong ekirorike. Luipu kayesi inacan ice luketiai luelomunito ko Georgia, ka aiboisio ace da nuegelegela kakwap kana. Oupaka lomojonng, Bill, loiboie kangina, eyuunit eong erai nges, atupuruc na. ido-ido luipu...Ka onac je loelomunit ko Georgia, itunga luainakinete eong esuuti lo. Ijeni ijo, ngol-ngol nges ediopet kotoma osuutin luajokak kakere luanapitor eong. Ejok noi, ibus noi. Ido iras yesi luketiai mamaka. Alimok eong ijo nueswamaunos, apaarasia adis kau, mamaka eong, abuni eong alimokin yes apolou naomitor eong ebe eraas kesi luketiai noi mamaka.

9 Kwana, eyuunit eong, arai ekoto Ejakait, akoto eong aiyatakin ejie noi adepar lem sek, kotoma aijaraka. Naarai, ajen kwana eong erai...Naarai, ti eong atwana lolo. Erai, ngin namam yes kijenete. Eipone loakeriata aokot otauka ka nginibore kere, ainwakanwaketa atomon akanykaape nuagelegela, eebo, ejautene loka akuan kere, etoduunit ebe ajai eong toma...asipo eong kwape kesipor idiotunganan kere, etunganan kotoma akwap. Aso eyalama eong kanuka ngun. Konye, iboro kere, karaida ngun kere, ido eyalama ka alakara noi mama Ejai Edeke, ebe ajai eong, ebe eyuunit eong ebe eroko Ngesi idarit eong kotoma aijaanakinike, mam arai nuabu Ngesi ketodikinite eong mot eroko ngun, itei jo, abu koinak eong aiyalamikin.

10 Kwana, aomit eong ebe, atibong na... Ngin ejok kanekon? [Kotemari Onac Neville ebe, "Eebo, ipa."-Ekewa.] Onacewok-onacewok loketiai erai-erai ediopetunganan lomam ibitiono, erai-erai Onac Neville. Ido arai ajai idiotunganan kayesi ne asabiiti ya ido ajaatatar ngesi aisiraret ngin nakaumokin naabu ngesi kitolom, naikamunit "etuo loka akinyet," abu kolom-...adiopet kotoma aisiranareta nuapolok lueiraritor eong , arai nges naabu onac Neville koyangau, ka Emoyo Lokalaunan, asabiiti ya, nejai isipan yenididi yenamerekekin nuatukoki Edeke nepepe.

Ido arai ebuni araut naedolit, isiyalamikinit ejakait, ido kede Onac Neville ka ekanisa, akoto eong einer bobo akuar na kasodi agear atuputupeta nuka, atemar ebe, akuar Kanaebalasa...apeleikinit eong, akuar kanaesabiiti, ka akuar kanauniet, ka asabiiti naebunit, atutuputa kangun kanuabu eong esisiate.

11 Mam ti abeit eong adaun aojau kangina adekis. Konye ajokokuka kwi noi mamaka, apotu koinakisi eong agoola kanu etiai nepetai loarai atutubet adiopet kotoma atubena auni. Ido kwangin abu eong ayanga Ekabaibulin, ikataabon, abu eong ecikak eitaada, kasodi asipokin kes ikajasi kokuju kangina, ido ajaas eong kede Ikabaibulin ka iboro kere eperete airimor. Ido abu teni eong ajaunos kede apak, kiton neayangaunere akinyet naka castor kotoma kangina. Nepenen nges abu akayalama kosangak. Abu do eong adaun. Konye Onac Pat, adeka eong nabeit. Abore ngin, mam eong apedori atitingikin. Ido, konye eyalama eong, kotoma apaarasia auni arai aangon nusodit. Eyalama eong noi.

Ido ajai eong aisisia kotoma Oitaabo loka Ipeson. Oo, asipokino nepepe naka Ekanisa! Ido aomit eong ebe erai ibore yenibus.

12 Ido-ido arai ijaatatar ijo, kwana, arai ijaatatar ijo ekanisa loilosese toma, kinyikok cut akonye kosodi aibwo kotoma opelukon. Konye arai emamei ijo ekanisa, ido okoto ijo abongun atibong na, ka akuar kanauniet, ka akuar kanaesabiiti, akoto eong alemun atibong na, Eitabo losodit lo Ipeson, ka atibong kanauniet, esula lo 2, loka Ipeson, ka asabiiti naebunit, Esula lo 3 loka Ipeson, kanu aibwaikin Ekaisa toma ainapeta. Ijeni ijo nuapaleikinit eong, erai-erai aibwaikino, asipokinio. Ido aomit eong erai aikeunio, nejai Ekanisa.

Mam eong arai...ajai eong einer nu nejaas lueponenete owemake Branham bon.

Ido inacan luminana arai idio kayesi...ajeni eong ice kayesi, aomit eong, ijaas kede airiamununeta. Ejai Onacewok laiye Sellerburg, ka-ka luegelegela, ejaas kede ariamununeta. Kwana, kosesen, eraas ngun

airiamununeta nuka aisikwaruunio. Yesi ajaunun toma kangun. Eraas kesi ikejaanakinak luka Kristo, itelapai luebwoete kotoma abaagat, lualomutu kinga. Karaida abu ekanisakec obe konger Abeit, ka iboro kwanat kwangun, apotu kikunyasi cut awai kama ejai ngin.

13 Kosodi Edeke anyaraun kes toma aijaanakin. Eebo, ipa. Ejokikinit eong-ejokikinit eong etunganan... mam eong apedorit aitun ekiror loka etunganan kangol. konye erai ngesi ikesa yenididi, ejok, ikesa yenibus, ka aberu naaminat ka idwe.

Ido-ido ajaas lem Onac Junie Jackson kede airiamununeta kwap lailo, loerai bobo ece lokaumokin, aboko naetia loepol naka asianut nakaumokin naka Edeke. Ido nejaatatar kesi kede aisikwaruunio kokanisanakus, yesi alosit cut mamakec, naarai erai ngol ekus...ngin nges ibore yenebeit aswam. Naarai, mam ijo ijene, aticapak ekadiakanaran ebunit olutaari, ido ipedori ijo adumun aisikokinio aingarenikin itunganan ngin mama ejai Kristo, loebuni araut abokokon kosiep kaje.

Arai na aisisianakin ka asipokin Ekanisa toma anapeta, kane kowema, aingarakin kwape kilosio.

14 Kwana, mam eong abu ayau ekasawa, aso ejaun do icetunanan aidar apak kanuka. Adau Doc aitodikin eong, ejaatatar ngesi. Aso, onaceka...Aso kwana...[Onac Edgar "Doc" kotemari Onac

Branham ebe, "Mam eong abuni aitegel ijo isirigin luipu kanuke," ido koinakini ngesi ekesawa nejai Onac Branham-Ekewa.] Mam ijo ibuni aitegel eong isirigin luipu kanuke? Ejok. Eebo, kwana, edolit ngin. Eebo, kwana, mam eong aomit bala edolit ibore ngin, kageunet ber da. Aso...["Eyalama. Alosi eong alimokin ijo idiopet."] Kwana, oo, oo, sh-sh-sh-sh. ["Abu eong etasalik adenarin atomon kau, kotoma apaaranika naka aurio, atupuruc na, kanu ainakin ijo apupun ejok."] Ijo abu opup ejok? Kwana erai ngin... Abu esawa lo ikunyak ekeitoi kaju kere cut. Ebala Doc ebe abu ngesi kitalik adenarin atomon kau, kotoma apaaran naka aurioke, kanu ainakin eong aipup ejok, naarai ejaas iarei arai iuni kiding nges kede eong. Tetere ijo ianyuni neajai eong, korot. Konye, oo, mam ngin erai naepol nepepepe da, mamaka.

15 Kwana, mam eong abuni einer aojau naepol.

Kwana, arai ejaas ipejok korutei kosi ikotosio cut kabeit aisukunyun yes kede ikosi tauon kere. Isukunyununitai yes noi ne okanisa yenididi yen. Imameotor isio aduketait naepol. Ejaas kwana do ainapeta kanuka adukokini oni, mere aiboisit naepol, konye bon e...Amojong do na cut. Ido ilosi aitam adukokin oni ekanisa loibus loelai ne, katipet nepe...ebuni Ejakait acamakin oni aswam ngun. Ido luipu kayesi ibwaikinitos agogong toma kana, ido kabeit isiyalamikinit ngun.

16 Kwana akoto ijo apukor kede eong, atupuruc na, kotoma asioman, mama ejai Isamuel losodit esula lo 18, ido ageu nepetai, ageutu nepetai kokokoro lo 19, ikokoron 19 ka 20, aticepak kanuka ikokoron luka akou naka akirot.

Ido kwana kwape kidumuna ijo ngin, ido eroko oni...Ibuni oni aisiom. Ido ikoto oni alosit toma alipanakini itunga. Ido araibo ejaas icepudesia ne atupuruc na, kosodi atemar, iitunai eong aitun"?

17 Kotoma aitamun kosi nakawasia...kotema, isio...

Konye kereka, kwape kijaar ijo apukor, egeun airiamun ko Chautauqua, aparasia 6 kwana. Imuno ainumunum aparasia ngun noi, Middletown, Ohio. Yesi lueapiete aparasia kus nuka aiyengun, kopotu. Ka da bobo, koidukuru, oicilet cut, ai, Oo, oni...alimonokin kere nalem ipupunitor ijo. Ejaas alimonokinak, kaju-ka-kwap kere, kanginitupuruc, apaaran ka akuar da. Aso etukonokinos nepepe. Erai aibois naka atukonokin naepol noi, epol ailanyit Silver Hills elwana noi. Irwan naipu noi. Kosodi-kosodi bobo aiboisit naepol naipedori oni aigwaikin itunga kidding na ilukumin ikanykauni kede ilukumin itomon. Ileleba duc. Ijaunun kede aparasia nuejokuka noi kangina Ohio.

18 Ido Onac Kidd je loemojongit, loalosit eong ailipakin, atupuruc ya. Iitunito yesi alimokinitor eong yesi, isabitin iuni kau? Ainakinit nges emuron isawan ikaisaarei kanu ajar. Anyou kwana esakaai da. Abu olem ekokoro, ekosio lomam nges apedorit aiwo. Ido nealomaria eong toma kasodi aite nges, atupuruc ya, ido kitorokite ataulo. Anyounit eong kane nepetai isawan iuni arai iwongon eroko akwap iwalara, tetere apedori adumun Nges. Abakai ebe etwani aparang ngin; engoti lo ekulam

19 Ido akeberu naminat, komojongite, elosenenei igoen kanu isirigin akaisakany apaaran; adilokin eroko akwap iwalara, kiton kuare adepar, kanu isirigin akaisakany. Kanu aidar okilenike ejai aswam kwape alimonokinan. Abu kolimonok isikwarunio naka isabitin iarei, kosodi atukun iinakina, isirigin akaisakanykauni.

Konye abu aany kesi iboiete kangina atupuruc ya, kesi ekal loipolok, arai kesi ekal lodidi, iboiete kangina, koriongete ake taulo okeperike. Ido idopet kotoma kalu abu kibelok abunore aiyuun, loikar akaisakanykaongon-kaluaerei luapolou, oberiang ido koco, ido korai Epetekotit asili, kiboiei kangina, ijene ijo. Katemari do ebe, "Ijenete yesi ipolok ibore yeniboitor yesi kane? aidarit ataker adolon," a-apeleikinnet na adautu kesi adumun, ido ekapakina do kwana aikunyakini adumun ainakinetek.

Kasodi eong alimokin Onac Chev, Onac Kiddson-Kidd. Atupuruc ngin ebe, "Ijaun ijo airiamun naka Ochautauqua.

Abu kiworok eong bian, kobala ebe, "eong...ajaun eong, Onac Branham." Ejok cut.

20 Nui pu kotoma ariamunnuneta, kama ejai aijaanakin naitetet naejai alomun. Onac, onac lo Baptist loebwoi kane, akokuke, atumunan, asubit bala mam acamunit aicorio. Kasodi eong alimokin nges ebe, "Abu eong ainak akokukon mama Ejakait Yesu," atupuruc ya. Ido nakelosio ngesi ore, itajaruuna ngesi. Ka nace ya atupuruc na, aibatisao ka ainyikokin.

Kosodi etunganan, ejakait Sothmann, opaperoka loelomunit ko Canada, ajai amuranike adoketait naka atwanare, kasodi eong atemar "Idumuni ijo amunranikon ajai ejok idol ijo ngina, ejai ikunyi angaleun, eebo." Koipone kangopekangol nges abu kojunor. Ido bon...ejaas itunga alomunun toma. Ejai ageuneteke kwapekwana, ikunyi. Konye, oo, idareunit oni noi noi, adepar kere. Ijai oni toma apaarasia nuetioko nukawasia, konye toma osawa loibus noi.

21 Ijo kijaas kede ekonibaibuli, kanu aisiom, esula lo 8 loka Samuel? Ido abu eong esumunikinite Gene asalakin kau ne, kanu aikam nuce nu kere. Ijai oni ageun ageun, kotoma airiamuniwok.

Konye kongero itunga apupokin eporoto loka Samuel; kotemasi atiar, "Mam konye ikoto ekabaka lokiyai isio;

Tetere...iputokin...katekerin kere; tetere da ekosikabaka kitubonikini sio, kingarenenokini da, ejie ijiisiokosi.

...kopup Samuel akiro kere nuka itunga, kitatam kaki nuka Ejakait.

Kotema ejakait Samuel atiar, kopupok ekeceporoto, koseik kes ekabaka. Kotema Samuel itunga atiar, "Aso kolototo, nginitunganan oreke."

Kwana arai erai eong aitam asekun kotoma kana, atupuruc na, na tikanyara eong kwape akou naka akirot, kanuka adakikan adis, akoto eong asekun akou naka akirot na: Ekabaka Loengeritai.

22 Arai toma apak, ebe kwape kotoma kapaarasia kere, ebe mam duc itunga ekotosi Edeke aingarenikin kes. Ekotosi kesi eiponekec bon loka aingarenikinio. Ido akiro nu atupuruc na...Ido kilot ijo orekon, ebuni araut naejok ijo aisiom ngin kere angetakin. Arai kotoma apak kangin naka-naka apaarasi nuka Samuel, etunganan loka Edeke, enabi. Ido arai nges etunganan loadolit, etunganan loajok, loayongong, loepone kalo eturitai, lokabeit ido lomunot kede itunga, mam cut angalangalai kes, ido mam alimonokini kes imodiobore dimarai kaitebeikin ebe EBALA EJAKAIT KWANATA.

23 Konye apotu itunga kodolokisi toma adoketait na akototor kesi aijulakin ainapetai na. Apotu kosesenata Ipilistian, ka Imalekain, Imorain, ikiitin ka acetekerin nuka akwap, kosodete aanyun ebe ajaatatar Ikabakan luepugatos kes, ka ayait kes, ka aingarenikin kes, kosodete ejie ikecejiisio, kaceda. Ido asubit do na bala akoto Isirael aituput akecewat kwap kikabakan kalu, ka kwa itunga kalu.

Konye mam ejaunar, kotoma atur adio, apeleikinet naka Edeke iketunga aput kede itunga luka akwapin, arai aipugao arai ayaio kwape kitunga luka akwapin. Itunga luka Edeke, kwape duc, araas itunga luitegelikin, itunga luitegelikina, luenyaraunitai kinga, luetiakunitai, ido cut kitegelikina kotoma aswamisiokec, kotoma orotinikec, kotoma oponesiokec luka aijar, adepar ngul luejaatatar itunga luka akwap. Imieli kec loka iboro, ka kere eipone loejaar esubunekec, erai duc loitegelikina kede iboro luimielasi itunga luka akwap.

24 Kosodete itunga luka Isirael abunore nejai Samuel kosodete atemar ebe, "Kwana, ijai ijo amojong, ido mam ikonidwe elosete korotininikon." Naarai, mam kes amunooko kwape kaSamuel. Araas luagwelegweletos ka aurup isirigin. Kosodete atemar, "Samuel, mam ikonisap ikote kwa kaajo, aso ikotosio ijo alosit kosodi adumakin isio ekabaka, kosodi ainyonyoikin nges, kosodi aitarau isio itunga kwape kaluce itunga luka akwap."

Kosodi Samuel aitam alimokin kes ebe mam ngin apedori aswam. Ebalala ebe, "Arai kiswamata yesi ngun, ibore yensodit yenijeni ijo, idumuni ijo ebe ebuni ngesi anyaraar ikusisap kere koreriakus, kosodi aitolomun isirikaale kamakec, kanu akerit koingaren naka amagalike, ka adakit ijiisio ka akwaras. Mere ngun bon, konye abuni anyaraar akusipesur, aitarau enomak emugaati, kosodi alemar kes komamakus, aitan ajore. ido," kotemari, "ejaas ngun da kere, ebuni aitolamun esolo ece kamakus, ka ikusikorion, ka ikusisirigin kere. Ebuni aitatac esolo ngon kere, kanu atacanakin apesenin ace nuka apugan, kaceda, nuebeit atacario." Ebalala ebe, "Aomit eong ebe ijaas yesi kere aiswamaun aibucaret." Konye nea...

25 Ebalasi itunga ebe, "Konye irokosio ikoto aput kwape kaluce itunga." Ejai icebore yenikamunit ikiliok ka angor, imielas kesi aput idiopet kayenice. Ido ajai etunganan ediopet bon loejaritor kotoma akwap loarai aanyunetewok, ido ngol nges loabu kotwana kanuwok kere, Ejakaitiwok ka Eketajatan, Yesu Kristo. Arai Ngesi aanyunet naitekoora naka kanuebeit oni araut, duc kanuka aswam naka Edeke, ka aswam

ngun nuedolito.

26 Ido mamace eipone loabu Samuel kotamia aingainga itunga, apotu kinyikokisi alosenen nejai nges, apaaran ka akuar, "ikotosio ekabaka. Ikotosio etunganan. Ikotosio etunganan loipedori isio atemar ebe, "Lo nges engarenonikosi"

Ido mama ngin eraunar akot naka Edeke. Mam araunar akot naka Edeke, arai mam ebuni araun akot naka Edeke etunganan aipuga loce. Edeke Nges ipugai etunganan. Edeke nges ewokopugan, Ekabakawok.

Ido erai ationis naepol noi noi lolo, naarai esubit etunganan bala ejaatatar kede aomisioit ngipengin. Esubitos bala mam epedoritos amisiikin ejok ebe eroko Edeke ipugat etunganan, aboisit naka etunganan aipuga etunganan.

Aso apotu koseutu bonik etunganan loanyaritai Saul, loarai okoku loka Kish ido arai etunganan loajenara, etunganan loayongong. Konye abu ibecokin otunga kodoco, naarai arai ngesi aput naka etunganan loapol, kowoj, kojokuka iponesio. Ebalasi nuiwadikaere ebe arai etunganan loawoj adepar edio tunganan kere isirael. Atakani cut bala ekabaka, ido ebus koreet. Arai loacobe ido kitegelikina kotunga.

27 Kwana, eipone etunganan kwangol nges ekotosi itunga aseun lolo. Mam itunga esubitos bala osimonikina kede eipone loabu Edeke loibwaikina Ekekanisa, aipugao ka ayaio koMoyo Lokalaunan. Ekotosi icetunganan, ecekiliokit, Ecediini, icetunga aipuga Ekanisa. Ebe mam epedorio aibwaikin akeceijar kere akanin nuka Edeke, ajaut Omoyo, aingarenikinio kede Emoyo Lokalaunan ekotosi kesi icetunganan aswam ediini aiboisitikec, icetunganan yenelimokini kes eipone loswamaet kakere nuikamunitos ngin.

Aso asubit etungan lo bala ebecokina cut aibpsit ngin naarai arai etunganan loaco noi.

Ido kere eputos kwape kalolo. Imina oni da asekununun itunga kwape kangul, ayait ikanisanawok, ayait Ekanisa loka Edeke. Emamei ibore yenebeit eong alimu aitoronia ngin konye bon kanu aitacaun ibore, ebe: mam erai, mam arai, ido mam eraun akot naka Edeke, ngun ajaun kwangin. Edeke nges ebeit aipuga Iketunga, aiya kanginidiopediopen

28 Aso idumuni oni ebe okoku loka Kis lo, etunganan loapol ido-ido eipone loasubitere nges, ka ake... Asubit ngesi bala ebecokina kotunga, ebe akenapito natikenap ngesi tiketakani eumokina. Ka aboko kakouke, kuju noi adepar itunga kere, kwape kelosio, tikerai ibore-ibore ilope yenikameda nejai Akabaknut naka Israel. Naarai ti ikabakan ice, lukatekerin ace, eomoomata ebe, "Koanyutu eipone etunganan kangol!" Eipone loadodianarata kesi ikecebokor kobalas ebe, "Koany, epol bo lolo ekabaka loidum oni biai! Kosesen ka epolor etunganan loiyait oni!"

Ido etiono alimun, konye eipone bo ali eraar ngin nakabeit lolo kede ekanisa, eminasi kesi einer ebe, "Mam ecokonikosi erai etunganan loedit aijen. Erai ngesi etunganan loepol. Erai ngesi loengetakin it asioman ko Hartford," arai esomero ece lokapolon loisisaere akiro nuka ediini. "Ejaatatar ngesi idigurin iwongon kotoma aiboisit mutan-ka-mutan. Ido erai ngesi..kotunga.Ngun kere epedorete koraas abeit, ido ejaas kede akeiboisit. Konye eipone loka Edeke kanuka Ekanisake nges araut loingarenikinitai keMoyo Lokalaunan, ka Ekemoyo.

Konye eminakin it kesi einer ebe, "kijaar isio ediini lo lokapolon loijai isio toma. Igeunit isio sek kotoma apaarasia nualingakinete ageun, nekiraar isio luikidioko, itunga idis bon, ido ikidioko. Ido kwana ipwakata isio kiton adolokin aiboisit nairaar isio ediopet kotoma odiinin lukapolok kakere luejaas. Kijaatatar isio isomeron lukajokak kakere ka aijaanakinak luesiomitos kakere. Kijaatatar isio atukos naenapi ejok noi adepar. Ido itunga lukacoa kakere koibuga ilipete odiinikosi. Ido ikori isio nuka aitim. Iswamai isio aswamisiso nukajokak, ka ngun kere." Ido emamei icebore cut, madiakuj, alimuni eong ibore idiopet aitepeg ngun, naarai ejokuka ngun kere.

Konye esalakini mam erai akot naka Edeke ebe etunganan aipugat etunganan.

29 Abu Edeke ijuk, kotoma apaaran naka Opentekosit, Emoyo Lokalaunan kanu aipuga kotoma otauon luka itungana, ka aipuga kotoma aijarake. Mam apeleikinitai etunganan aipuga etunganana.

Konye imina oni einer ngun. Erai ibore yenepol noi nakitemara oni ebe irai isio luka orionget lokapolon koipone kangol.

"Ijo irai Ikristayot?" koipone ngol nges abu eong adumunia akirot kana, neajaar eong adekis. Ido apedori eong aingit itunganan, "Ijo irai Ikristayot?"

"Arai eong loka lo-ka-lo."

"Ijo irai Ikristayot?"

"Arai eong loka lo-ka-lo."

Abu anaasit ace kobu osiep, neajaar eong asiomi Ebaibuli, ido arai ngesi a-anaasit naetet kotoma aiboisit. Kotema nges ebe, "Biaibo ijo." Ebala ebe "eyuunit eong ebe irai ijo Ekimat Branham, ijai ne kanuka aanyanario naka akuan."

Katemari eong ebe, "Nges eong."

Kosodi ngesi atemar ebe, "Eong agereta ekonipur kede ajon, ainaki ijo apupun ejok mot.

Kasodi eong atemar ebe, "Ipedori ijo aswam ngun."

Ido nape ejai ngesi ageret ekapur, abu kotema ebe, "ali bo ekanisa loka ediini loilomunitor ijo?"

Kasodi eong atemar ebe, "Oo, arai eong loka Odiini lomojong kakere loejaunar."

Kosodi ngesi atemar ebe, "Ediini bo ali ngol?"

katema eong ebe, "Erai ediini loaponi kogeunai eroko akwap egeunia."

Ido, "Oo," ebala ebe, "inyo? Mam acamunit ebe ajeni eong ngol." Ebala ebe, "Arai eong naka ekanisa ece. Biai erai nges erionget ngol?"

Katema eong ebe, "Mam, toto. Arai nen bon bala ikar akwataarei kau, erionget ngol. Konye erionget lo abu kogeun neapotu aicer nuka atupuruc kowoiotor nepeppe, kosodete odwe luka Edeke ilulukisi kanuka aiyalama, neaanyuniata abunore naka Eketajaran alakun etunganan."

30 Ido opalari awawa epuraka. Naarai aluri eong, mot kwana, tetere amucalat ngin epedori awawa. Arai ngin naka alomunit ko Corydon, die nepenee, ajeset naka eibuga. Agearete isio einer. Ebala ebe, ebala ebe, "Ipa, eyuunit eong duc ebe arai Edeke kageunet, eroko Ngesi erai Edeke, lolo, kwape araar Ngesi apakio nukolosek." Ebala ebe, "Karaida engerit ekanisaka ngun cut, konye eyuunit eong ebe erai Abeit."

Kosodi eong atemar ebe, "Mam ijo ilwana kotoma Ajakanut naka Edeke, apese."

Ebala elimuni ebe, "Arai sek erai Ngesi eketangalean, mam cut Ngesi eroko erai eketangalean?"

Atemari eong ebe, "Ejena cut ejok ebe erai Ngesi, inacika."

31 Konye ekoto etunganan aipuga, ido ayait etunganan. Ido ekoto etunganan ayait nges. Mam nges ekoto Edeke orai loeyait.

Aso okoku loka Kis lo, ekekiror, Saul, arai do abongokinet naka kanu akotosi kesi, etunganan loatakani kotunga. Ido a-Oo, apedorit aingarenikin kes ojisineikec, kaice da. Konye, karaida ikote iboro nen, mam arai eipone lo iswamaa Edeke iboro. Akoto Edeke ekenabi lomojong lomunot aingarenikin kes, ka ainerakin Akekiro mamakec.

32 Kwana, lolo, kotoma aturiwok napolon naka ekanisa najjaria oni, iomit oni, ido eyuunit eong na kede ekatau kere, ebe, ilot oni cut aibelloor awai kotoma kanu abu Edeke kinyonyoik aswam. Akiro nuka awasia nuka etajaraniwok, arai nuka Marako 16. Ebala ebe:

Kolototo yesi akwapisinei kere, kolimonokisi Akiro nuka ajokak nejai ngini subat kere.

Yeniyuuni ibatisai itajario;...ngin yenimam iyuuni itelekarete akiro.

Etupanakinete aanyuneta nu ngul luyyuunete; Kokirorika, erengeanarete ajokin; inerenenasi ka angajepa nuitetiak;

Ikamunete imunwo; karaida kemata ibore yenikaaran, mam isiriebi kes cut; idokonokinet...lukadekak akecekanin... engaleunete...

33 Emamei etunganan, emamei okoku loka Kis loepedori aitolomun ngun kokinga naka Emoyo Lokalaunan. Konye iduk oni isomeron, iduk oni isomeron luesiomere akiro nuka Ediini, kasodete adukunun iriongeta, kanu-kanu aisimonikinia, ka aputikinor kede akwap kere.

Kwana, atapit Emoyo Lokalaunan araut engarenon kotoma akwap kana. Atapit akwap araut naepugatai kokau kotoma...neewadikaere alimoret naka aipugaikin bon. Ido ajai ecolong ece loasipo kanen. Emamei abunokin adio kotoma aomisioka konye ebe eboie Okoku loka Edeke komesa, naketegearete akwap na kotoma okisila lukaailajaara naka ediini ka alajaara nejaas itunga kere, ido kotoma apetetait naka Akiro naka Edeke namam edaun.

Konye imuna oni ngun. Epugae; isekik oni itunga toma nen, kokwap naka agwelio ka agwela, ka aisumuneta nuka aingal. Kiton...Awokakwap ka epugaewok, ka eipone loepugaewok, amunaar kiton nae-naeyenyenuoor kede Communism ka iponesio luka iboro kere.

34 Ido irwanapu iworounenei oni ailip, neiriamunonor atukaot naka akwapin, ido kangina... arai ajaun

kede ainerun. Ido kotoma apak ace, nakapolon, pac, emamei karaida apak adiopet naponi konyaraun kanuka ailip. Eipone bodo ali kipedoria oni aitemonokin atiakatiakaeta komamei ailip? Eipone bo ali kipedoria oni ajaun kede amun, kotoma akwap kere, aswam imodiobore komamei aingarenikinio naka Emoyo Lokalaunan?

Konye ber eong alim na kede amin ka ayongio najaatatar eong kanuka awokakwap ka mama ejai ekejenunet loka akwap, ka nejai eswamae loebwoio ngesi: Kinger oni ewokongarenon, Emoyo Lokalaunan, ido kotoma opugae loamunaar ayangau itunga luka aomisio nuemunaara. Ido arai mam ijo ikwenyi, epote aiswmaun adiopet kotoma aibucanareta nuka atwanare namam kes kiswamaunitotor kageunet, kwapekwana, erai ebe naarai imielasi itunga itunga aipuga.

35 Ibore yenikipuda oni kotoma akwap nakapolon nako United States, kwape ekapolon loka akwap, ibore yenikipuda oni kotoma airiamun naka kalu esekununitai, nukipuda oni kotoma agoolaikiwok nuka ikisila, kes itunga luainakisi akecejar mama ejai Edeke, ido ilelebasu kede Emoyo Lokalaunan, ido kojaas kede aingarenikinio nakotoma Akuj. Konye, aiboisit naka ngin, iseki oni itunga lukacoa, itunga luejaas kede "aput naka ayongit Edeke, ido kongeritos apedor naka Edeke," itunga luengeritos ebe ejai Edeke, ido icesawan edeparitos nen da, apotu oni ayangautu adokena, nuka akwapuwok.

Mere ngul bon, kotoma okanisawok amunaaros koipene kalo ebe, kotoma asekunun icokokowok aingarenikin oni, kilot oni osomeron luesiomere akiro nuka ediini kasodete asekun itunga lueraas lukacoa naepol, itunga luecobe noi kotoma aomisio, itunga luejaas kede acoa naepol naka asioman, itunga luejenara akidingos naka itunga, ido koraas itunga lukapolok kotoma odunyeta, namam eong ajaatatar adiokirot aitoronia. Itunga luesiaka kotoma oiponekec loka ajar, ka eipone loejariata kesi akidingos naka itunga ice, ka akidingos naka itunga, itunga lukaumokin kotoma opelueikikec, namam eong apedori einer nueroko kanukangin. Imadiakuj ebe eraun ekamoyo lokaronon kwangin. Konye, karaida, mam erai ngin nges abu Edeke kosek kanuwok.

Erai angarenikinio naka Emoyo Lokalaunan: Krsto kotoma otaun luka itunga

36 luipu kokiliok luka acoa lu luebwoete engeritos ajakut obe naka Emoyo Lokalaunan. luipu kotoma kakesi engeritos ajakut naka aitangal naka Edeke ka apedor naka Emoyo.

37 Asiomu eong akirosit, bian, acamunit eong bala arai atakununeta nuka akiroke Jack Coe kotoma apapila naka iyenmuto, loatwan Jack Coe, loo...ediopet kotomakalu abu eong ebelok aiyyun Elakait Yesu, loarai lokapedor loatiting noi, kotoma apakike. Ido aponi nges konyararai abongonokin, kalaije ko Florida, kanu ailip ikoku yenididi alacar aboro negatos akekeje aibwo, kosodi alosit kaiboisit. Ido kotoma aswam ngun, abu ikoku kolot kotoma aiboisit, ejok cut, kosodi aibiror nakedolio nejai totoke. Kere araas ainapeta nuka lokasurup loka Kristo, abu aberu na ka okilenike koyangasi onecewok loetiting okooti loka akwap.

Ido netikabeitor ngolikanisa aibwo kede Onac Jack, abeit ngitunganan yenelimorit Ekiror loka Yesu Kristo aibwo kosiepike, katiting, kangitunganan loenyarai Ekiror loka Ejakait Yesu abeit ti aibirokin akungin kotoma ailip, konye, aboisit naka ngin, kotoma akiro nukapolok nuka apapulai kere nuka iyemuto, abu ediopet kotoma odiininiwok lukapolok kotema ebe apotu kimorikikinos kede luengetos Edeke, atubokin ka, aiyen Onac Jack Coe. Inoma ber ijo ekanisa, luenyarakina kokiror loka Yesu Kristo, aimorikikin kede lukasurup, atubokin etunganan loayongin Edeke loatamit kede eketau kere aibwo kanuka Ebaibuli? Konye apotu kiswamata ngun.

38 Kosodi Onac Gordon Lindsay do nges ayuuni.

Ido naketemateria ekatubon lomam eyuunit ebe, "Erai etunganan lo ekangalat naarai abu ngesi olaca aiganeta kama ejai ikoku kosodi aijukar nges alosit kotoma aiboisit, kosodi atemar ebe "angaleu; Ido asabi ngesi, ido abu ngesi kiswama ibore yenimam aupasi kede aicorakineta nuka emuron, aso ejaas ngesi kede emusaago loka aingal mamake."

Kosodi ejakait Coe anyoun kuju, kosodi atemar, "Lokapolon, angerit eong alimunet ngin. Abu Edeke kitangaleu itelapat."

Kosodi ekatubon atemar, "Abuni eong aingit ediotunganan kotoma okooti kalo arai tope eraas akiro ngun eraas abeit, ebe abu Edeke kitangaleu itelepat kosiep ediopet loka aiboisit kosodi ainakin nges adekakin koswai kaje. Arai epedori alimunet ngin aitogogongoorio kotoma Obaibuli, kwangin atemari do eong ebe ejaas ejakait Coe kede apedor kanuka alimuneteke."

Kosodi ejaanakinan akeun akekan, kosodi atemar, "Ayongiokon, ipa, eong alim ngin?"

Kosodi ekatubon atemar ebe, "Olim."

39 Kosodi ejaanakinan aibwo akejeneke, kosodi atemar ebe, "Akuar adiopet, kotoma angolol nagiro, neabeitor ateker alumor kwap, amun kere naka aitajario adaunia. Apotu aantutu Yesu Okoku loka Edeke, ebuni kokuju naka akipi. Kosodi ediopet kotoma okiyakia, kokiroria luka Petero, atemar ebe, "Arai erai ijo

ngol, Ejakait, koinakinai eong abunore mamaKon kuju naka akipi.” Kosodi ngesi atemar, “Abu Ejakait olimok ekiyakia Petero ebe, “Obia.” Kosodi kodok kateker, ipa, olosi cut ejok kwape kalosio Yesu akipi, konye nape aurianaror ngesi ogeuni alumor eroko edolo nejai Yesu.”

Kotemari atubon ebe, “Erutar emusaago.”

40 Ipuda oni aingarenikini naka Emoyo Lokalaunan mere ikiliok lukacoa.

Aponi do kitarau nai, Saul, okoku loka Kis, ekapolon loka itunga, ido kolek ikiliok ilukumin iarei, ka Jonatan kolek elukumit. Kolot Jonatan Garison kododi aisen Imonain, etamasi, Imonain. Ido adau-edau ngesi aisen kes, okutak Saul arupepe, kosodi aremar, “Itei jo nueswama Saul.” Abu ogeu adakunun.

Nepegeuna etunganan araun loepol kakiro nuka ediini, arai ngesi da adumun adoketait ace kokirorike, korauni etunganan, nepetai, loejeni kere.

Itunga luka Edeke eraas luyapaara. Itunga luka Edeke eraas luyapaara. Kiany jo itunganan yenebala ebe edumunit Emoyo Lokalaunan, kosodi agear aisub bala ekoto atikar, komamei aiyuun, kolosi, kotamite araut ibore yenimam nges erai, iitu bon ebe, mam idumunitos Ejakait Yesu.

Ido idumuni oni ebe abu lokasurup kolom toma. Ido abeit alomun toma atukos naka itunga luka edeke, ido alosi nges agoror kinga akongu nabeit naka nginitunan.

41 Ngun duc kes etamit lokasurup aswam, nges agoror ikonye aarei kere, arai epedori, tetere mam itunga eanyunete nuiswamaete kesi. Ngun kes etamit Satan aiswaikin kangol Ikristayot, agoror aikwenyeke naka omoyo, tetere nges bon etupi iboro luka aijen naka lukacoa, komam erai aijen naka Emoyo Lokalaunan ingarenikit nges.

Aso do nakeswamata ngun, neadolunia aipikorio nakaumokin, kotubi do Saul Imongin iarei luapolok kosodi aijukar mama ejaas itunga kere. Ido korai yesi opedorete amisiikin kane, naejukaria Saul atubutubeta nuka akiring nejai Isirael kere, kosodi atemar, “Idio itunganan kere yenimam ebuni aitup Samuel ka Saul, koputokinos kwape kemong kalo.” Itei jo kwape katamitor ngesi aitodiar kede etunganan loka Edeke kotom aingal? Eipone-eipone loaraar ngin namam arai Ekristayone! Akurian naka itunga arai kanuka Samuel. Konye abu Saul oinak kes kere aitup nges naarai akuriaka itunga Samuel. “Kotupakisi kesi kere Samuel ka Saul.”

42 Ido irwan imwas ai, lolo, kiiranara oni ngin! Ebe, “Irai isio Ekanisa lokapolon. Irai isio Ekanisa loka Kristo. Irai isio Ekanisa loka Edeke. Irai isio luka-luka lo-ka-lo.” Einakini itunga adumun akurian, kosodete aoomoo ebe nen do cut nges iswamaa Edeke. Ido mam ekotosi aingarekinio naka Emoyo Lokalaunan. Ejokikinit kes atupit itunga kwa kangul, naarai eminakinit kesi ajar akecejar ikulepek. Iminasi kesi aiyuun nuekotosi kesi aiyuun.

Kiany ijo? Emoyo Lokalaunan ngesi ekatuboniwok. Mam Edeke abu koinak oni ipaapa arai ekaanyanaran, arai idiotunganan, araut ekatubon. Emoyo Lokalaunan, eitungane loka Edeke kotoma ojutene loka Emoyo Lokalaunan nges erai ekatuboniwok ka engarenoniwok. Kwana,

43 kanukinyo eraar kwangin?

Itimitos ber kanu alimunet na naemumu, mam eong apeleikinit ngin kanukabon.

Konye ebala Emoyo Lokalaunan ebe ibucara kanu awokangor ainger ikecetim. Ido ibucara awokangor ainap igoen lutuber lu ka ipalei luuriesik, ka aicul akecetukes ka ireetin kede eriagi. Ebala Emoyo Lokalaunan ebe ibucara.

Konye ikoto oni ikiliok alimonokin oni ebe edolit ngin, “Bon ebe itupit oni Samuel.” Ekotosi kesi ajar angetakin apaarasia akanykape, eipone edio loekototor kesi kere, ido alosit okanisa atupuruc kanaesabiiti. Kosodi lokacoa noi loalomuni kosomero kede idigurin luipu alimokin kes akiro adis loebuni... eyala edio kotomake, loikidikidi akeceki ka adupor kes aiyalamikin, kwape ecesinema arai abolia naka osinema. Kosodi alimun ailip adio kotoma kangun, kosodi aijukar kes ore kede eipone lo-loesubit bala ainapakin naka aisimonikina bon ebe adautu kesi aswam ekecediini. Mam ngin erai akot naka Emoyo Lokalaunan.

Ekoto Emoyo Lokalaunan ijo ajar ajar naka ayongit Edeke, kanginipaaran kotoma osabiiti, ka nginikuar, atiakun akonijar kotoma oboro luka akwap.

Konye mam ekanisa ekoto ngun. Ekotosi kesi ecetunganan loepedori-loepedori aijul Ebaibuli koipone loekototor kesi aipup. Mam epupokinete eporoto loka Emoyo Lokalaunan inera kotoma Obaibuli.

44 Luipu kotoma kakesi ekotosi atemar ebe, “Atuboros apaarasia nuka nuapedor.” Ngin nges ikidikidi itunga. Ekotosi kesi atemar ebe, “Emamei aibatisao naka Emoyo Lokalaunan.” Mam itunga ekotosi aswam nuitegelikina kama ejaas nuiswamaete akwapin kere. Mam kes ekotosi alosit korotin kilositate ikeceterin,

ido-ido ikiliok kede ireetin luelaete, ido mere kede isigalan kaitukekec, ka-ka isigalan ka amiidin, ka-ka iboro luiswamaete ikiliok. Ido ekotosi angor aitub ikecetim kouriaka, ka-ka konapitos isikaatin luuriesik, kitodiaritos ejautenekec, ka iboro luekotosi kesi. Ekotosi kesi-kesi ikiliok luelimokinete kes ebe, "Edolitos ngun kere."

45 Kosodi, akuar ya, abu etunganan kobu alimokin eong ebe, naarai abu eong alimonok etoronite ngun, ebe ediini ngol lokapolon, nepetai ikany kakesi, ebalas ebe, "Ibuni oni ajalakin Onac Branham ido mam bobo ibuni aiswamanar kede nges cut. Eraun ijo ainyakar ateepun ngun, kosodi ailip atimio kanukec, arai mam ibuni isio alemar ijo."

Abu eong katema ebe, "Abuni eong aibwo kede Akirok naka Edeke. Eyaingaikini nginibore, abuni eong asalakin kede Akirok. Kosodi eong..."

Ebala, "Eebo, arai mam ijo ibuni ainyakar ateepu mutan?"

Abu eong katema ebe, "Mam eong alimonokinitor idiobore, kotoma aijaraka, yenirumitotor eong ileic. Mam eong enyakun ateepu adio arai adiowadikaeta. Asalakini eong kede nuebala Emoyo Lokalaunan. Nuajaria eong ka atwania." Mam eonga atamit alimun nuikamunitos akakuan kwana. Konye bon atamit eong ainakin ijo aput kanuelosit ngaren, tetere ijo ianyuni ka amisiikin. Ekotosi itunga kama ejaas itunga.

46 Mam akotosi Samuel. Aso eroko kinyonyoikina Samuel kwape ekabaka...arai kitimoi Saul, kwape ekabaka, abu Samuel kobongo mamakec bobo. Ido alosi eong einer kotoma angajep naaticepak tikinerar ngesi lolo. Ipedori aisiom ngin. Ebala ebe, "Inyobo ationis kede Edeke araut Ekabakakus?"

"Ijeni ijo, mam isio iseseni Edeke."

"Eebo, arai eong abwoikinitonike," abala Samuel, "Eong alimokinitor yes idiobore yenibucara? Eong adwaritor imodiobore yenimam abu kitodolikin cut kwape kabalar eong ebe ebuni aiswamaun? Eong mam alimokinit yes Akirok naka Ejakait? Ido abuni eong aingit yes na: eong abunitor mamakus kasodi ailip yes idiosirigin? Eong ayangaritor imodiobore komamakus? Eong ayangaunitor yes imodiobore kidimarai kaitebeikin EBALA EJAKAIT KWANATA? Ido etodiana Edeke ngin, kanginisawa, ebe arai abeit." Kosodi ngesi aijukun ewolobos ka edou (Ijenete yesi nuiwadikaere, yesi, cut kangina.) kanu aitogogong ebe arai Samuel eporoto loka Edeke.

Ido kwape abwoikinitor Samuel kaitekoora: lolo, Emoyo Lokalauna-Emoyo Lokalaunan nges erai eporoto loka Edeke: loinera bec nuebala Ebaibuli; loiyuunit cut nuebala Ebaibuli, ido mam ebuni aitegelikin kanėjai ngin, karaida irwanatipet.

Konye akotosi kesi icetunganan yenalimokini kes naitegelikina.

47 Ido mam itunga apedorete alimun ebe mam adwrasinei nuka Samuel etekoora. Apotu kobongokisi kosodete atemar ebe, "Samuel kere nukijaatatar ijo Kokiror loka Ejakait, etodoliki Ejakait kwape kibalar ijo. Emamei aibucaret karaida adiopet. Mam ijo ibunitor nekosi kosodi ailip isirigin kamakosi. Igangit ijo elopet bon akonijar. Mam ijo ilipitor isio aiswamaikin ijo idiobore yenapolon, yenajokan kanukon. Imunokina ijo Edeke, ido alakunun Ngesi ijo koboro kere. Ido eraas akonikiro abeit. Kanginibore yenabu ijo kiner Kokiror loka Ejakait araun duc kwape kilimunitor ijo. Konye ejaas ngun da ikotosio ekabaka."

48 Ipedori ijo aanyun ijo apaar? Ipedori ijo-ijo aanyun ebe aingal-aingal naka ajokit, epedori aswam kotoma otunganan? Aboisit naka abilakin arai abilakin nejai Emoyo Lokalaunan, kosodi apupokin nuebala EBALA EJAKAIT KWANATA, kanuka aijar naelai, iponesio lumam emunaara, kanuka aijar naitegelikina, itunga luitegelikina, akwap nakalaunan, itunga luiswamaete nuitegelikina; apotu kitojokasi aupakin kede akwapin, ka aswam kwape kakwapin, kosodete alosit okanisan luebalas "Edolitos ngun kere, iswama kwapekwangin kosodi ainyikokin."

Ijo kiany nuerai ngin? Ebalas ebe, "Emamei ibore kwa kangin ebe aitangal. Oo, aibatisao naka Emoyo Lokalaunan nges arai epureemu mama ejai ekanisa." Kotoma akiro ace, kosodi Edeke alemun itunga. Kolemar Emoyo Lokalaunan kinga naka ekanisa, kosodi acamakin ediini adukun ngin. Mam, mam cut. Emamei ibore kwa ngin. Emoyo Lokalaunan, Akirok nakabeit, nges abeit aongareninit ijo kiton Yesu abunore. Konye eipone ngol nges-nges abu kolosio.

49 Abu Saul kolom toma apugan. Aumokina ngesi-abu ngesi kodum atupitok luepu. Oo, ajaatatar ijiisio lualaete. Ajaatatar ikayook. Ajaatatar ibukui, ido ajaatatar akwaras. Oo, ebus ngesi adepar akwapin nuce kere. Kosodi ngesi ayangaun kes toma adoketait nuka epugae naadeparit idiobore yeneiraritor idiotunganan nuke.

Ido ngun cut becebec nges eswamata idiininiwok ka ikanisan lolo. Kijaatatar oni adukena nuka ikanisan nutiek kakere kakwap. Kijaatatar oni itunga luenapitos ejok adepar kotoma akwap kere. Kijaatatar oni itunga luesiomitos kakere lueperio aitolomun.

Kwape ikiliok luetutuorit Saul luapedoritos alemun akwara, ido apedoritos kesi aigum ka aitwasam

kiton akwapin akurianar kes. Araas kesi itunga luetutuoritai, ka kere. Konye, kadiopepaaran, abu kodol apak nabu akagimoron kotakanunia. Ido abu itukurian ajore naka Isirael kere kiton neapotu kesi kobwoatar, komaranete kamukakec. Abu Goliato oinak kes ainongisit, "Arai erai Ekusideke loibalasi yesi ebe erai Ngesi! Iraas yesi luitutuoritai ejok kakere." Kosodi ining ngesi kes. Mam ajenete nuabeit aswam. Mam ijiisio luajokuka noi apedorete aswam. Mam akecekwaras apedorete aswam. Ajai ibore yenimam kes eiraritotor nuke, kageunet, yenajai aismamaun.

50 Ido kede aiyapaara kere ka ayongit naka Edeke, ka ayongio ka aitubusikinit ka amin ka eidicane loka Ekristayone, alimuni eong nu: abu eong asiom apaaran ya, kotoma apapula naka Africa, neabu okokuwok loka Kis, egimoroniwok loka alimonokin, neabu esiriamut iningoro nges, Billy Graham. Ebalab ebe, "Arai Ekusideke Edeke, kitangaleu lukadekak kwape kabalar Ngesi ebe ebuni aswam." Kosodi okoku loka Kis, ka ajore da kere, kililingata kosodete anyoun akwap, ipikoritai. Erai nuka ileic. Erai Edekewok Edeke.

Kijaatatar oni iwokokanisan lukajokak. Kijaatatar oni ikalimonokinakawok lukajokak. Kijaatatar oni awook luetacio. Kijaatatar oni ikwayai luajokak kakere, kijaatatar oni adukena nuawojak kakere kakwapuwok. Kijaatatar oni itunga luajokak kakere, ice luejaas kede isirigin luipu. Kijaatatar oni kede lukacoa. Kijaatatar oni asioman naka ediini cut adoketait; ipedorit oni alimonokin ngin; ipedorit oni alimun ngin. Ipedorit oni alimonokin kasodete ayaun itunga toma, ka aitolomuun imilionin ngolikar, luka iyuunak, toma okanisa. [Aiboisit naemamei ibore kateepu-Ekewa.] Ikawookowok luetacio, awokalimonokin nakacoa mam ejeni eipone loatereikin kede ainingosit kwa kangin. Mam ejenete idiobore yenikamunit ngin. Mam ejenete idiobore yenikamunit apedor naka aitangal naka Edeke, naka abatisao naka Emoyo Lokalaunan, naka apedor naepedori alemun etoribe loka etunganan loejai atwanare kede engoti, kosodi alacakin nges. Mam ejenete imodiobore yenikamunit ngin. Mam kes itutuoritai kotoma opelu kangol, kwape kajaar Saul ka iketukos yeneswamauni etunganan.

51 Konye mere eong alim mama ejaas itunga luka Edeke, ka neiyaas yesi idwe, tetere yesi kijenunete ebe mam Edeke ejalakini yes komamei ekajenan.

Komam ejeni, mam ejai Saul, mam Saul ajeni imodiobore yenikamunit ngin. Konye ajaatatar Eeek Daudi yenididi kokau kangina kau naka erongat kanenice, lomam etani amerekekin kotoma anya nuka atukos. Engarenikit ngesi kes akipi nueleleete ka amelo. Apodokinit nges amerekekin nuka Papa. Ido arai abuni icebore toma, lokasurup, akopor idiopet kotoma amerekekin, ajeni ngesi apedor naka Edeke kanu alakun amerekek ngin.

Ejaatatar Edeke Daudi, nenece, loejeni eipone loka olakunet adiopet kotoma amerekekin nuka Edeke, kede apedor naka Edeke. Eroko Ngesi ejeni nuikamunitos ngun.

Amunokina ngesi. Amamei ibore yenajeni ngesi kanuikamunitos lujiis luka Saul, karaida nges eipud edio kakesi. Mam nges epuda edio kotoma odiinin kes. Emamei ibore yenajeni eong nuikamunitos ngin. Konye akoto eong alosit kotoma apedor najeni eong nuke."

52 Abu ngesi kitanenei amerekekin nuka Papake. Abu koyuarite amelo. Abu koinanakinenei inyammat lukabeit. Ido apotu kojarata kosodete aiyatanakin.

"Mam etunganan ejari kanuka atap bon. Konye kanuka nginikirot naelomuni kakituk naka Edeke, ejari do etunganan."Ecokon lokabeit itanenenei kes. "Yesu Kristo ngopengol bian, lolo ka ikar kere." Ido arai ekopoo lokasurup idiopet, kotoma adek, ejeni ngesi apedor naka Edeke.

Kosesen Daudi, abu kobwo kangina. Ebalab ebe, "Erai ekesa ngol ekajiot, kageun aurioke. Ido ageun atumunike, mam nges ejenunitor idiobore dimarai akwara ka ebuku. Itutuoritai nges ejok. Erai ngesi loisisiat akiro nuka ediini. Ido mam ijo ijeni idiobore yenikamunit ngun."

Abala ngesi ebe, "Erai ngin nakabeit, ipa. Emamei ibore yenajeni eong kanuikamunitos atutuorio naka akiro nuka ediini. Konye ejai ibore idiopet bon yenajeni eong, ebe, nealomunia lokasurup toma, aikamar adiopet kotoma amerekekin nuka Papaka, abu eong a lot kede apedor naka Edeke. Abu eong alak nges. Abu eong enyak nges ejok kiton angaleuke bobo. Abu eong enyak nges bobo kiton amelo naelibilibi ka akipi nueleleete. Ido abu eong ayar nges neayangara adiopet kotoma amerekekin-amerekekin, ido abu Ngesi ainak eong aiyar adubu, eipone ngopengol ebunio Edeke lokotoma Akuj alosit kede eong aiyar epilistiat lomam ekepitai lo."

Ipuda oni aingarenikinio naka Emoyo Lokalaunan.

53 Mam eong ajeni akapaarasia; emamei yenejени.

Atupuruc ya aperi eong ojamuka. Ido ajai eong...abu eong ajotoor, kasodi eong airuja ebe edeka Joseph, kasodi eong adakun nges ailipakin. Ido neanyounia eong, etuguikina eong noi. Abu eong atema. "Eebo aticepak elosi Joseph adekakin."

Kosodi eong aanyun, ibore elosi koingareneka, kotoma otoribe yenididi, yenirionon, atemasi loka eriagi

loererenget. Ido asubit bala arai eong. Kasodi eong asesen ngin. Ido abunit kokau itunganan yenakwangan, ido arai Nges. Abu eong asesen akaberu, kanu aanyun arai akwenyi ngesi, tetere eong etodikini nges arai epedori ngesi aanyun aitapoet. Konye ajotoi ngesi.

Abu eong atema, "Oo, itimoi, Ejakait. Konye, arai ngin akaijar. Ijai ijo aitotor eong nejai nginibore kere yeneswamat eong. Kanginisawa lokiswamaunor idiobore, ti eong aomit ebe arai Ijo iswamai. Ido abu eong amisiik ebe arai Satana atamit airiebor eong awai kanejai ngin." Abu atema ebe, "Korai bon ijo ingarenik eong." Ido kwape kasesena eong, abu kaany ereet loebus kakere loanyunitor eong kama ejai ekiliokit. Ajai N. gesi ngareneka, itei kau. Abu ikeu Akekan kosodi aiting naka, kosodi ageun aisukunyar na awai. Odaun aitapoet.

54 Atuptruc naka asabiiti kaya, ajai eong, akwenyunit eong sek. Arai ngin naemukaaga, atapoet na. Nae...

Akuriana duc eong, aoomooenenei duc eong nuka atwanare. Ngin, kwape karaar eong loka ikar akaisakany, erai, mam akapak...mam eong aomit ebe eoja noi. Kasodi aoomoom nuabuni ti eong araun kotoma akuan kangin namam etwani, akuan nakotoma Akuj. "Epedori kereka korai ebe abuni eong aanyun ikapapero luketiai kasodi, atemar ebe, elisina loakwangan ejai atubor, kasodi atemar ebe, "Onac Neville ngol,' arai, mam nges apedori atemar ebe, "Helo, Onac Branham Branham'? Ido neebunio Yesu, abuni do bobo eong araun etunganan." Edila eong aoomooenenen ngun.

Erujai eong ebe ajai eong laiye To. Ido ajai eong abunore etorite aiboisit najaas ikito, ido ajai akaberu kede eong, ido apotu isio kajaas aikam agaria nunyaman. Kasodi eong apalar kasodi-kasodi aikiar erute. Ido kolai akuj noi. Mam aputosi bala ka ejaar kane aditot. Eraas nubululu, ka adouon luaaete luakwangak. Kasodi eong alomokin aberu ebe, abu eong atema, "Ebusakinit ti oni ajaut kinga ne, apak kau, awiinyi." Ebal ebe, "kanu idwe, ti oni ijai ne, Billy." Katemri eong ebe, "Erai ngin..."

55 Kasodi eong akwenyun.

Abu eong aoomoom, "Erujai eong noi! Mam eong ajeni kanukinyo." Kasodi eong ailur kwap, ido aperi ngesi kosiepika.

Kasodi eong anyoun aboikin apiloka, kwape kiswamatotor yesi itunga luipu ngin. Aidokokin akakou kaju naka-naka abao naongeren naka etaada, kasodi abwaikin akakanin kauka. Ido aperi eong kangina kwana. Kasodi eong atemar ebe, "Ijeni jo, mam eong ajeni nuibuni araun, kalaije. Adau eong adolore ikar akaisakany, ido emamei ibore yeneswamat eong ber. Korai bon eong epedori aswam icebore aingarakina Ejakait, naarai ajeni eong ebe mam eong abuni araut loajari apaarasia kere. Atutubet naka aijaraka adaun, ber, arai adepar atutubet. Arai ajar eong kiton amojong kwape kitungaka, edauna atutubet naka aijaraka kwapekwangin." Kasodi eong angolongol. Ido aperi eong kangina, etemonikin anyoun. Arai nepetai osawa ediopet. Abu eong katema, "Acamunit eong ebe, abuni eong alosit okanisa, atupuruc na. Arai aororikinit eong abuni akot airar Onac Neville elimonokini."

Kwangin abu eong atema, "Ijo ikwenyi, awiinyi?" Ido ajotoi ngesi noi.

Ido mam eong akoto ijo atwaniar na. Ejulaki eong. Mam eong apedori araun Onac Branham ngopengol loabu eong arai.

56 Ido mam eong akoto ijo atwaniar na. Ejulaki eong. Mam eong apedori araun Onac Branham ngopengol loabu eong arai.

Kasodi eong asesen. Kasodi eong airar icebore, inyikokinit atemanar ebe, "Ijai ijo ageun ageun. Inyikok aiketakin ejie. Inyikok aiketakin."

Abu eong ejangijang akakou apak edit. Aomit eong ebe, "Eebo aticepak aoomooi eong aoomoom kwana." Ijeni ijo, epedori etunganan ajaun kede aceinomanareta. Kasodi eong atemar ebe, "Aticepak aoomoomot eong ngun aoomoom."

Ebala ebe, "Iketak ejie. Kinyikok alosit. Kinyikok alosit."

Abala eong ebe, "Aticepak alimunit eong ngin." Kasodi eong akonyakin akakituk okelaka, kasodi arapakin akakanin akitukuka.

Kanen obuni bobo, ebala, "Kinyikok aiketakin. Korai bon ijo kojenei nuejaas angeset naka erot!"

Ido asubit bala apupi eong Graham Snelling, arai icetungana, loawoi ekosio ngol kwanata (idakokinitos akecekanin ne, AnnaMae ka yesi kere.):

Adeka kanu alosit ore ka ne meri, ido akoto eong aanyun Yesu.

Akoto eong airar aruo naejijim naka ikedei kngul

Ti kitacau ekarot kasodi alemar akurian kere.

Ejakait, koinakinai eong asesen adepar aigalisit naka apak.

Kiiraritor yesi ngol ewoio kane kokanisa.

Kasodi airar icebore etemari ebe, "Ijo ikoto aanyun adepar aigalisit naka apak?"

Abu eong katema ebe, "Tikengarak eong noi."

Kasodi eong angoliar. Kotoma apak naedit, eong- aiyengaret adiopet adaunite eong adolore toma aboisit ace naejululei. Abu eong angolia kau, ido ajai eong ngina, aperi koitaada. Kasodi eong atemar, "Erai yenibore yenitegelikina."

57 Kwana, mam ti eong akoto ainyogokin na. Erai na koingaren naka ekakanisa, arai akamerekekin nuecokei eong. Arai kotoma, arai ajai eong akuan na arai kinga, arai toma aijulakinio, mam arai kwape ka aitapoet najaunanatar eong. Apedori eong asesen Ngina, ido apedori eong asesen ne.

Ido neadolio aiboisit ngin, mam eong aanyunitor itunga luipu ekerunete, kiworoete, "Oo, onacekosi loketiai!"

Kasodi eong asesen. Kosodi aberu nadit, bala kotoma okaruke akaisarei, itomon ka ikanykauni kiton akaisarei, kotunanarete eong, ido iluluete, "Oo, onacekosi loketiai!"

Kobuni etelepat, kotoma agogong naka ekiliokit loedit. Iliacaete akecekye ido kosubitos bala kwape kaccer kotoma akuar nakitumutoritai. Okwangak ikecekel kwape kilulun. Ido iluluete kesi, ido kiriitos eong, ido liluluete, "Oo, onacekosi loketiai!"

Kosodi eong abwoun, kasodi angoliar. Adite eong. Kasodi eong angoliar kau nejai akakuan eperi kangina, kede akakanin kokau naka akakou. Kasodi eong atemar ebe, "Mam eong amisiikinit nu."

Kosodi apese na naabu katuna eong.

58 Kwana, amisiikinit eong ebe erai lo asipan loinyalinyala, ido alimuni eong na kede ajijim ka awiwiny naka Emoyo. Ikiliok mam epedorete atunanar angor komameete asubanakineta nuka akuan; konye amameete Kangina. Amamei bian karaida moi. Mam kes apasi. Araas kesi...mam eong aanyunitor aberu naibus kwangin kotoma ajaraka kere. Ajaatar kesi ikecetim cut kiton kwap angabetekec, isikaatin luaojak kiton kwap akejenekec. Ido atunanarete kesi eong. Mam arai atun naeputosi karaida kede naka inacika obe, iboie kangina, ti aitun eong. Mam kes ajaas ainu eong, ido mam eong ajai ainu kes. Arai icebore yenimam-yenimam eong aduminit a-angajep nalimunet,, mam eong adumunit akiro nutetemunet. "Aitekoora" mam eong apedori atiror "Abokara" mam eong apedori karaida atiror, nenice kere. Arai ibore yenimam eong...Ekoto ijo ajaun Ngina ajaun.

59 Abu eong asesen lailo, ka laiye. Ido ajaas abunore, kolukumin. Kasodi eong atemar, "Mam eong amisiikinit nu." Abu atema, "ijeni ijo kes..."

Kasodi Hope abunore. Narai akaberu nasodit. Abu koker, ido mam abu kolim ebe, "Okilenika." Abu ngesi kotema ebe, "Onaceka loketiai ido naketunia ngesi eong, ajai aceberu nabwoi kanen, naabu kotunite eong, kosodi Hope atunar aberu na; ka nginidiope. Kasodi eong aoomoom, "Oo, ekoto na korai ibore yenitegelikina. Mam epedori araun...ejai icebore..." abu eong aoomoom, "Oo, abuni cut eong akotokin abongor nejai akuan angin bobo?"

Abu eong angolongol do. Abu eong aoomoom ebe, "Inyobo yen?" Ido atakani eong, ajai ejok noi. Ido eong-abu eong atema, eong-mam eong apedori amisiikin na." Konye asubit Hope bala, oo, naepoloikinit apej. Mam nges etegelikina, konye bon kwape naepoloikinit apej

60 Abu keira eporoto do luabu kinereta ka eong, loajai agoola, ebala ebe, "Lo nges abu ijo kolimonok nuarai Emoyo Lokaluanan. Erai na amin naitekora. Ido emamei ibore yenepedori alomun ne emamei ngin."

Ainakina eong noi, adepar nelem kotoma ajaraka, ebe eyangaikina amin naitekoora, kanu alomar Ngina. Amamei enyeko. Amamei epasone. Amamei atwanare. Mam adek apedori cut, kotoma Kangina. Araut loitwani; mam-mam apedori aitomojong ijo. Ido e...mam apedorete aimony. Arai aiyalama adiopet bon.

"Oo, onaceka loketiai" Kosodete ayangar eong kuju, kosodete aisiboikin eong kuju aiboisit naapolon nati kikiara.

Abu eong aoomoom, "Mam eong erujai. Mam eong aseseni kau nejai-nejai akuanaka naaperi kane kotaada."

Kosodete aisiboikin eong kuju ngina. Kasodi eong atemar, "Oo, mam ebeit eong aiboi kokuju kane."

Kosodete angor abunore ka ikiliok, kosiepon kere, kotoma alilibikec naka atumun, iluluete. Ido ojai aberu adiopet ebwoi kanen, kosodi kiluluk, "Oo, onaceka loketiai! Oo, iyalama isio noi aanyun ijo kane."

Abu eong atema ebe, "Mam eong amisiikinit nu."

Kosodi do eporoto ngol loenera, kokujuka, atemar, "Ijeni ijo ebe, iwadikatai toma Obaibuli ebe apotu inabin kotukokinos kede ikecetunga."

Kasodi eong atemar, "Eebo eitunit eong ngin kotoma kanuiwadikaere."

Ebala "Aso, ne ngesi ibunio ijo atukokin kede ikonitunga."

Katemari eong ebe, "Epute kesi araut itunga cut lukabeit, ido apedori eong atiror kes."

"Oo, eebo."

Abu eong katema ebe, "Konye ejaas imilionin. Emameete luka Branham luipu."

Kosodi eporoto atemar ebe, "Mam kes eraas luka Branham. Eraas kesi luabu ijo kibelok. Ngul kes luabu ijo ingarenik mama ejai Ejakait." Kosodi atemar ice kotoma angor kangun kangina, nuiomit ijo ebe ibusiak, adeparitos ikar akaisakany kaongon luka apolou nekingarenikina ijo kes mama ejai Ejakait. Komam abunokin iluluete ebe, "Onacekosi loketiai!"

Kosodete kesi eluluikin, kere irwanatipet, ebalas ebe, "Korai mam ijo olosite, ti mam isio ijai ne."

61 Angolengol eong. Kasodi aoomoom, "Eebo, mam eong amisiikinit."

Abu eong katema ebe, "Oo, aibo ejai Yesu? Akoto eong aanyun Nges, erono noi."

Kosodete atemar ebe, "Kwana, ejai Ngesi kuju mot, kuju cut ngina." ebala, adiopepaaran ebuni Ngesi mamakon." Itei jo? Ebala ebe, "Aponi ijukun ijo, kwape engarenon. Ido ebuni Edeke abunore. Ido kebu Ngesi, abuni atubokin ijo kwape kisisianakinitor ijo kes, ber, arai elomarete kesi toma arai mam. Ibuni isio alomar toma kwape kejaar akonisianakin.'

Abu eong atema ebe, "Oo, eyalama eong noi. Paul abu, ngesi da ebeit aibwo kwana? Ipetero da ebeit aibwo kwangin."

"Eebo."

Abu eong atema ebe, "Alimonokinit bodo eong kanginikirot naabu ngesi kolimonok. Mam eong abu epacar kanejai ngin kosiep ediopet kiton nejai loce. Neapotu kesi kibatisatar Kokiror loka Ejakait Yesu Kristo, abu eong abatisa. Neapotu kisisianakinatar itunga nuka aibatisao naka Emoyo Lokalaunan, abu eong da keswama, nuapotu kesi isisianakisi, abu eong esisianak."

Kosodete itunga ngul elulu, ido kobalas ebe, "ijeni isio ngun. Ido ijeni isio ilosi isio kede ijo adiopepaaran, abongor akwap." Ebalas "Ebuni Yesu, ido ibunio ijo atubokin kotupitete Akivot nabu ijo kolimonok mamakosi. Ido arai kicamun ijo kotoma apak kangin, neibunio ijo atereikin," Kosodete atemar ebe, "aso ibuni do ijo aitodiar isio nejai Ngesi, kwape ikopoi luka aijaanakinikon." ebalas ebe, ibuni ijo aingarenikin isio neKeng, ido, kere nepepe, "Ibongori toma akwap, aibo ikar ka ikar."

Abu eong alim ebe, "Eong ebeit abongor kwapekwana?"

"Eebo. Konye kinyikok aiketakin ngaren."

62 Abu eong asesen. Ido apedori eong asesen itunga, kolwaka kwape kapedoria eong asesen, oroko epote, kidaritos aitun eong, iluluete, "Onacekosi loketiai!"

Kotemari do eporoto ebe, "kere luimina lem jo, ka kere luaminasi lem jo, ainaki jo Edeke kane." kasodi eong aiteluor. Ido kobuni ekakingok lomojong, obuni elosi aikeun kuju. Obuni bobo asigiriaka da, idokokini akekou okeperika, kosodi amonyakin. Ebala ebe, "kere luimina lem jo, ka kere luaminasi lem jo, ainaki Edeke akaninikon, kotoma aijanakinikon.

Apupuni do eong akakuan enyouni Aboisit kangin kana elai.

Esirimori do eong akongu. Atemari eong ebe, "Ijo ikwenyi, awiinyi?" Aroko ngesi ejotoi.

Ageuni do eong aoomoom ebe, "O Edeke! Oo, ingarak eong, O Edeke. Mam icamakini eong aiar kede adioKivot. Akoto eong asalakin cut Akivot ngin, kasodi alimonokin ngin. Mam eong apodo nuepote ka nuelosete, kanuiswai idiotunganan; Luka Saul imwas ai luka...odwe luka Kis luelomunete, imwas ail lu ka kwi, arai kaluce. Akoto eong, Ejakait ainyikokin kiton aboisit Aboisit angin."

63 Akuriau na atwanare kere...

Akoto eong atemar nu, kede Ebaibulika koingarenika, atupuruc na. Ejai eong ikoku isapat yenikar iongon, yenebeit aitopolounio. Ejai eong ipese yenikar ikanykaongon; ka yenejai aijulakin araun atumunan, lueyalamar eong, luebelokinos atupaar erot loka Ejakait. Edeke, akoto eong aijar, kanu

aitoploun kes kotoma aicorio naka Ejakait.

Ido kakere, esubit akwap kere bala ikariei neka, amakio ka ipolok luikar akaisakanykaongon, ka luegelegela, kobalas ebe, "Korai mam jo olosite, ti mam isio ijai ne."

Ido, Ejakait, akoto eong ainyikokin ojje. Konye edol atwanare, mam eong arai enaman akiro. Ti eraun aiyalama, ti eraun ibore yenejok, alomar, kotoma aibos na ka asiles.

Arai apedori eong, kokuju kangina, amairon nuedolitos ariita akwatat kuju, kotoma aiboisit na ariakasi iwaitin kere, ido nges Amin naitekoora, kongol lamaret lailo, kodidingar, kiton neidolunia kwap nekwana ijai oni ne. Ti do eraun ilimakinet yenetorube lokaibos, iborengin yenididi apipun kasodete amisiikin ebe ejai icebore nenice. Mam oni ijeni nuerai ngesi.

Oo, ipaperoka luetiai, luminanika, luminan noi kotoma Akiro nukajokak, ikadwe luteluna mama ejai Edeke, kopukisi eong, ecokonikus. Yesi ba, korai ojai eipone ece loapedoria Eong aitetemikin yes ngin. Emameete akiro; mam eong adumunit; emameete kanenice kere. Konye owaije loka iyengunet yenawasia, erai ibore aibuses kakere yen...Emamei eipone loebeitor aitetemun nges. Emamei eipone. Mam cut eong apedori. Konye kotoma kanuiswami jo kere, opapero, adapak awai nginibore kere kiton neidumuna jo Amina naitekoora. Odolok aiboisit naipedoria jo amin nginitunganan kere, lokasurup kere, kanginibore kere.

Aipejoikinet adiopet ngin bon etarau eong etunganan loetegelikina. Mam cut cut cut bobo eong araun Onac Branham losek arai eong.

64 Arai elaete isimun biai, arai imiliasi akimian, arai edokinit eong angican emuudu, arai ikoni ai, mama ace. Abuni eong ainyokokin ejie, kotoma asianut naka Edeke. Alimonok eong Akiro nukajokak nejai nginisubat kere ka nginitunganan kere yenapedori, aisupun kes Akwap ngin nalwanan kolai.

Epedori asub bala etiono, epedori ayangaikin agogong. Mam eong ajeni arai edoli wori. Mam oni ijeni, einer kotoma akuan. E...kotoma oinerika aparana ya, abala ebe, "Ideuna ijo kede ikar akaisaarei kalukany lukaijar naetiono, kojok. Igogong jo." Abu ngin ingarak eong. Konye, oo, mam arai nges ngin, mam erai nges ngin. Erai ibore yenejai nepene. Naebosi na ejai anapakin amamus aibos. Naetwani na ejai anapakin namam etwani.

65 Epedorete odweke Kis alomun. Eong...Ibore kere luiswamaete kesi, mam ibore yen erono yenapedori eong alimun asurokinia ngin, aikor lukican ka luka amin. Ido kiit, kanukinyo, abu Samuel kolimok Saul, "Idwari joda." Ido luipu kokiliok kangun eraas, ikalimonokinak luapolok, lukaumokin, epedorete alimonokin Akirot baba imalaikan luapolok. Konye karaida ikote akiro nen, mam arai ekot naka Edeke. Edeke nges abeit araut ekecebabaka. Onac, inac, ocamak Emoyo Lokalaunan ingarenik jo.

Etuluroto akwasiwok ipak idio.

Adeka eong alosit ore ka ne meri...Akoto eong aanyun Yesu,
Akoto eong apupun aruo naejijim naka iramen ngul luejaas akidei toma;
Tikecaikisi ekarot ka atolior akuriau kere;
Ejakait, oinak isio asesenata ailamar juai naka aigalisit naka apak.
Ejakai, oinak eong asesen alamar juai naka aigalisit naka aitukurur ka akuriau,

Akoto eong asesen ailia naojan ngin nakakolong;
Tikitogogong awokoyuun ka aitolior akuriau kere;
Ejakait, oinak kes kosesenata ailamar juai naka aigalisit.

66 Esimonikina eong cut ebe, Ejakait, korai ikanisayen, atupuruc na, opedorete asesen ailamar juai naka aigalisit: konye mere aitaneta nuejaas kidingosikec, mam ti ejaun cut; karaida adek; emamei konye aitekoora bon. Ido erai aiyengaret adiopet bon ageun kane kiton ngina, ageun kamojong kiton atumuun, ageun apak kiton ikar keere, agear ajurungingit nakamoi ka aitukurur nakabian, kiton apak nalolo naka ikar kere kotoma aitekoora.

Elipi eong, Edeke, ebe isirereng nginitunganan kane, erai ejaas ne, Ejakait, ngul lumam ejenete jo kotoma oipone loka amin. Ido, kotoma abeit, Papa, emamei ibore yenepedori alomar Aiboisit ngin nakalaunan komamei Amin naka eipone kangol, ido ijeni isio ebe erai ngin abeit. Mam ace karaida ipedori aisukuny irongan kede aiyuuniwok, arai iswamat oni iboro luepolok noi, konye, arai emamei Ngin, mam isio ipedori adokar amadala ngin napolon. Konye kede Ngin, edakuni oni adepar aiyalongong naka akwap kana. Elipi eong, Papa, ebe ebuni ijo aisirereng itunga luejas ne.

Ido, ebe, nginitunganan kere yeneiira eong, atupuruc na, kiner abeit na, oraun Ijo ekajenanika, Ejakait, kwape Samuel lokolosek, "Alimokinitor kere eong kes idiobore koKirorikon konye yenarai abeit?" eraas kesi ikatubok. Ido kalimokini kes kwapekwana, Ejakait, ebe obu Ijo oyanaga eong Akwapungin. Ido ijeni ijo ebe erai ngin abeit.

Ido kwana, Papa, arai ejaas ice ne lu mam ejenete Jo, oraun lo esawa loetemaratar kesi, "Ejakait, ibwaik tomaka akot na araun akoteKon." Ijaik, Papa.

67 Ido kwana, yesi, kede akusikwes ituluritai, ipedorete aikeun akusikanin, kosodi atemamar ebe, "Onac Branham, ilipak eong, akot naka Edeke tomaka."

Kwana iroko jo ijai nepenen, kotoma ajijim, inyo mam jo atemar nejai Papa ebe, "Edeke, kotoma otauka, lolo, angeri iboro kere lukakwap. Angeri iboro kere, kanu amina Jo ka aijanaakin Jo, aijaraka kere. Ido abuni eong, agear lolo, kiton aparasia kere, aitup Jo, kotoma kangin Kokoro kere ObaibuliKon"? Arai mam ibatisatai jo kotoma aibatisao naka Ekristayone, eswamai, Ejakait."

"Arai eroko eong adumuna Emoyo Lokalaunan..." Ijenuni jo neidumuna jo Nges. Einakini jo -einakini jo aisimonikina ka Amin naipuda jo. Oo, aticepak iswamat ijo eipone loitegelikina, obu jo adum asubanakineta, aticepak obu ocelanar arai einer kangajepa, naerai naejok. Konye arai emamei Aminangin naka Edeke, iyuunai eong kwana, otema ebe, "Ejakait, ibwaik toma otauka, ido toma aijaraka, atirorio naka EmoyoKon, tetere eong apedori amin, ka aiyong, kede adumun amin Ngin naka Edeke kotoma otauka, lolo, naeyangari eong toma akwap ngin nenyouna eiyenganeka lokawasia," kwape kilipia. Kilip, ijo ilopet, kwana. Koiponekon ilopet, ilip Edeke aiswamaikin jo ngun.

Amina eong ijo. Amina eong ijo. Yesi itunga luekwangak akwes luiboete kane, lueswamata kosodete aitan idwe! Yesi nuka toto, amakio nuican yesi nuitwakiasi akiyo kotoma akonyenekus! Ber eong ketogogongik yes na, inac, naminat, mam erai kwangin kalija akanaya. Eyuunit eong ebe erai cut kere kotoma agoola. Erai ejautene loijari oni kotoma. Erai ber na aibos najari oni kotoma kwapekwana.

"Konye kismamaun kotomaka, Ejakait, kwa ikotor Ijo." Ilip, kwape kilipia nepepe.

68 Kaiyapaara, Ejakait, kwape kejaar Akonikirot ka Ekonimoyo, iyalama sio noi ebe ijene isio nebunio auriokosi. Kiyalama isio noi ebe, "kiuritai isio mere kanuka akot naka etunganan karaida akot naka akuan, konye kanuka akot naka Edeke."

Ido kilipi isio, lolo, Papa, ebe lu lukwana ilipitos asianut naitimi, ebe ebuni Ekonimoyo aswam aswam ngin, Ejakait. Emamei eong eipone loeswama ngin; arai eong etunganan tai, okoku loka Kis ece. Konye ipudasio Ijo, Emoyo Lokalaunan.

Ejakait koinak eong araun kwape ka Samuel, loinera Abeit naka Akirot naka Edeke. Ido itodia Ijo ngin, kalwanis noi ido eyuunit eong ebe ibuni ijo anyikokin, bon ebe asalakini eong arai lokabeit mamaKon.

Odumutu kesi kere Aijar namam edaun, Papa. Kinyek apaaran na anyoun kamakec. Kotoma osawa naedolokina kes apak naajalakin akwap kana, koraun na, nualimok eong kes, opukor kiton araun ibore ilopet. Ido kwape kiboia isio kane, araas luitwaki, lolo, kasesenete esawakosi, kaomoomoete nuka epucit, loka aswam moi, aiyalongongo ka autara naka aijar, mam do bobo kes epote ajaun kede. Epote kesi kere adaun. Emameuni bobo aiyalongongo; ido aiyalama adiopet nakapolon namam edaun. Koinak kes eipone aijar kwa kangin, Papa, nginidiopet. Ido...

Elipi eong Ijo na, Papa, ebe nginitunganan yenejai ne atupuruc na, yenikeira eong alimuni aitapoet na, elipit ebe eriamunos eong kede nginidiopet kakesi kosiep kaje; karaida epedori kojaas ikiliok ne lumam ecamanara kede eong, ka angor da. Konye, Papa, mam icamakini ngin aibwo korotokosi. Keriamunos isio kede kes Kangina, kosodete kesi da, akerit, kasodete isio aitun idiopet kayenice, eluluete, "Onacekosi loketiai." Kojaun kwape ketodikinitere eong Kangina, Ejakait, nejai nginitunganan, kere yenamina eong, ka kere lueminas eong. Elipit eong ebe ejaun kwangin, Ejakait. Ido amina eong kes kere. Kotakanutu kesi, Papa. Kainakini eong kes aijar naka namam edaun kwapekwana. Kismamata ekecewai, loacamun ngin. Naarai kelipi Kokiror loka Yesu. Amen.

69 Kijaar oni ipak edit bon, kanu ailipanakin lukadekak. Aseseni eong ijaatatar oni ipese yenedeka ne, ka aberu kotom aocolong

Kwana, nejaas ikanacan, akanacan nukaetiai, elipit eong mam imisiikinetete eong erono. Mam eong-mam eong ajeni nuapotu kismamaunos. Mam eong ajeni nuapotu kismamaunos. Konye Edeke, atwana eong, koinak eong abongor Ngina. Koinak eong alosit aiboisit ngin, nges akoto eong ajaun, neajai aiboisit ngin kere. Mam eong atamit araut Paul loaponi kodakarai toma Akuju nakiuniet. Mam eong abala kwangin. Eyuunit eong ajai ngesi atamit aisinyikokin, aitam ainakin eong icebore kanu aisukunyikin eong ngaren, kotoma akaijaanakin naejai alomun.

70 Araibo ebuni araut ibore yenimam ejok arai asiom eong icebore kane, adakikat bon? Biai ebuni araut naedolit?

Adiopet kotoma apapulai nuka iyemuto nuingarenito akwap, Billy Graham. [Kosiomuni Onac Branham akirosit, kwanata-Ekewa.]

Billy Graham isukunyikinitai Nejaas Isiriamun," koingaren naka apapula naenyaritai The Afrian Times,

Olap loiareit atomonakany, 1960. Ewadikan loka akirosit arai Esiriamut, Loka Mohammed, eomit ebe ekoto aanyuneta kotupakisi alomonokinio naka Eijiri loka Kristo, loerai Nges ngopengol bian, lolo, ka ikar kere. "Itakuni oni, erai ebe: abu Kristo kisumunikinite Ikatupitokoke, neabu Ngesi kotemara ebe, "Ngin yenyuuni eong, iswamai ngesi da awamasio nueswamai eong; kadepar da" Iswamator tope Ekanisa aswamasio nueputosi-nueputosi kede nuiswamat Kristo kotoma Obaibuli? Epedori tope aswam ngun lolo? Epedori tope ediokanisa kalu egelegela, aswam karaida atutubet kanukaumokin nueswamat Kristo, mere ber atemar ebe "aswamasio nuipu"? Ipedori ijo, kwape ediopetunganan, loijenara, abwoikinton loka Ekristayone, anyoun, aitonyoun luka atwak kiton aijar naka akuan bobo? Ijo ipedori alosit angolol? Ijo ipedori aitangal lukadekak ka aitwekeny imudukio? Mam kereka na erai, kwape kejaatatar akiro nuelimunitai kokuju, nabu loka Mohammed kibwaik ngaren? Arai ibwaikinitai...arai aitemio naka Kristo...?...atupitok kwape kejaar alimunet naka ice, arai kotoma aiyuunikus?...

71 Itronitos kesi Esiriamut lo, konye adolit ngesi. Konye nu kes nuapotu kesi kolimutu:

"Abongokinet naejok kakere nges aisiom Ebaibuli, ka aijen Ekoran. Kicorakinit Ekoran kwangin e... kede...kicorakinitai kede aituput. Egegong ido itelekaarit akirot naka Isiriamun Ekristayone, ipiororo i-t-e-l-e-k-a-a-r-i-t, itelakaarit,"aomit eong, "ainomanareta. Ejaa ngun da, etirorit ekewadikan, akirosit nakapolon naikamunit nukaumokin araut nuka Ekanisa. Konye kane bobo ibunokin oni abeit naka ekewadikan, naarai ingai epedori adodun ka aitepeg nukaumokin nueswamai Onac William Branham kakonyen nuka Isiriamun ko South Africa, neapotu ilukumin itomon ijauniar Kristo kwape etajaran kokwap naka aijaanakin naka William Branham, ko Durban, South Africa, ka nenice anatar akwap kere, arai kanejai T.L. Osborn kokide naka Africa? Ejena ebe, ibwoi oni akwatat kanu akwatat kanuka Billy Graham. Apotu kenerata akirot naka aingiset erai namam...Akirot naka aingiset kana erai naemamei ajokis."

72 Konye kakidingos naka kanginitutubet naka ngin (apotu konyarata eong...ebalas ebe irai isio luka ikerep, mam isio ijeni nujai isio aswam) ajai kes aitejenaar kotoma apapulakec ikulepek, ebe Edeke abu kiswama ngin, ba. Erai Edeke Edeke, lolo, kwape karaar kolo. Mam aticepak ijo aomit ebe mam kes iyuunitos ngin, mam kes esesenete ngin. Mam ibwaa; mam iswamao kosooda. Ido akwat nuka ilukumin luiboiete kanen, apotu kosesenata ngun. Neanyunatar kesi ebe ingwalasik, itelepat yenesiriebitai ebuni ngina, abu Emoyo Lokalaunan kolimok nges nuikamunitos akeijar, ka iboro, ka nuapotu kiswamaunos kotoma kangina. Ido aanyun Isiriamun ilukumin itomon ibirokinos, arior, kwap, acamun Yesu kwape Eketajaranikec.

Iroko oni kijaas kede T.L. Osborn, kaiceda, lueroko itanete amerekekin inyammat. Aomit eong ebe mam ber Onac Osborn elositor nejaas Isiriamun. Ebalas ebe egogong kesi noi. Konye iroko oni ijaatatar kede Edeke loepedori alakun amerekek kama ejai engatuny, epedori alakun amerekek kama ejai adubu.

73 Abu ngin keswamaik eong naejok ajenun ebe ajai kes aiwadik ngin ka amisiikin ngin. Mam, eomitos kesi ebe mam; elosete korot kosodete aibelokin ipurianakec, kosodete atemar, "Aha, atuboros apaarasia ngun."

Abu esiriamut kotema ebe, "Ngun atuboros? Ebaibuli do kere atubor. Yesi kere ibucaritos. Imaete yesi Etunganan, Etunganan loabu kotwana, ido arai Ekekiror Yesu. Ido abu ngesi kotwana, ikar luipu kau, ido emamei ibore kwa kangin ebe abu Ngesi kojar."

Konye mam apedori alimun ngun kotoma airiamun nako Durban. Ngina abu Ngesi kobwo kiswamai ibore ngipengin yenabu Ngesi kiswamate, abu kitogogong mamakec. Kwana karaida i-idiinin ejai abongun, etunganan ngopengol loewadikai ka alimokin eong ebe akotokin ber eong aingic akaisisianakin Obaibuli, nges loewadikai ngun apapulakec. Ebuni Edeke ainakin kes aitur Nges, ejaaceda, karaida ikote ai. Edolit ngin. Ebuni Ngesi ainakin kes aitur Nges, ejaaceda.

74 Kijaatatar oni kede, ipese yenedika iboie kane. Ikonikoku ngin? Inyobo aketionis, inac? [Kotemari inac ebe, "Erai adek naka adam."-Ekewa.] Toto? [Adek naka adam."] Adek naka adam. [Abu eong ewadikak ijo, ikar luipu kau, nuikaunitos adekake naka adam."] Oo, eebo. [Ajai ngesi edeka kwana, ikar iwongon Olap loikanyetkauni."] Ikar iwongon Olap loikanyetkauni. ["Alosit Onac Neville ngina aanyun nges."] Oo, elomunit ko Marengo, arai nenice kokwap kangina? ["Paoli."] Paoli. Apese do ngin nges napana? Ejai ibore idiopet bon, toto, yenedepedori aitajar apese: nges, Edeke ajenun nges. [Atamaki noi adepar kwape kajaar."] Eyalama eong noi kanuka ngun.

Onac Neville, ilositor ijo kwap ngina ailipakin nges? [Kotemari Onac Neville ebe, "Eebo, ipa."-Ekewa.] Anyoun nealosiso Onac Neville kosodi ailipakin nges, atamaki. Iroko oni kijaas kede icokok luejenete inyammat luka amerekekin.

75 Inyobo akonitionis, inac naminat, naiboie kangina, nakon" [Kotemari inac ebe, "Ejaatatar ngesi engoti."-Ekewa.] Engoti.

Eebo, korai ber eong aingitun yes icebore, aticepak kane. Imwasi bo ai kane luitangaleunitai kede...

engoti? Ikeutu akusikanin. Kosesen ne, inac. ["Isikakina nges aki ido mam epedori aipup nuinera ijo."-Ekewa.]

Erai Edeke Eketangalan. Kijeni oni ngun. Arai alimok eong ijo ebe apedor eong alosit kwap ngina kasodi alemar adeka ngin naka adam awai kama ejai apese kasodi aitangaleun nges, edumuni eong alimokinit ijo aisab, arai, arai ebe apedori eong alemar engoti kama ejai aberu. Konye ajeni eong ibore idiopet, ajai adubu (engoti, abutuunet, amudukanut, ka atwanare da) abu ikama ace kotoma amerekekin nuka Edeke, adiopepaaran, kasodi eong alosit kede apedori naka Edeke, kasdodi eong aiyar nges kasodi ainyakun amerekek. Erai ngin naedolit. Ilosi oni ngaren lolo, mere kede idiobore yenapolon, na-kede-na. Alosi eong kede apaada naka ailip. Ebuni Ngesi ainyakun ngin.

Eyuunit eong ngin, dobo ijo, inac? Iyuunit ijo, da, mam, inac?

76 Imwasi bo ai kayesi iyuunitos kede ikusitauon kere kwana?

Kwana ituluroto akusikwes kwape kalosio eong ailip.

Papa lominat, eperi kane aberu naibus namam bobo, epedori alosit arai asakasak, arai mam ijo ingarakini nges ekama nges lokasurup. Eamei bobo emuron loepedori aingarakin nges. Eria nges lokasurup nges nelwana noi ngina apak, kiton nemam emuron edio epedoria aswam imodiobore. Konye mam nges ejai kinga naka aingarakinikon, Ejakait. Ejai ngesi cut aiboisit naipedoria ijo aidokokin Akonikan mamake. Kotoma abwoetait naka Akirot naka Edeke, edokokini eong akakanin nejai apese na, ido etoroni eong adek na adam. Kokiror loka Ejakait Yesu Kristo, inyak nges kiton araun aberu naengalei bobo. Ebuni ngesi aijar kiton aibuses naka Edeke. Ongaleu ngesi, koloma toma ka kinga naka ekanisa, kwape kaluce kalu alomutu toma, koputosi kede na, aiturit Edeke. Ojaun kwangin, kanuka Yesu Kristo.

77 Kwape kelilimorotor iketim, irwana adis bon, kosodi ngesi ajaun akwap ngin. Neabu eong aanyunia emameete luemojongito bobo, konye ludidik. Konye iboiete luminanake kane, emonyete, ido eminas kesi nges. Lokasurup lokapolon nges ekama nges kosodi airiar nges kinga naka aingarakinio naka emuron, engutuny loekuriana loka engoti. Edeke, abunit eong eibwapit nges. Abunit eong anyakar nges. Apoari eong engatunny loka engoti, Kokiror loka Kristo lomam ipikoritai, loarai eong abwoikinitonike. Kojalak ngesi ngin, ido kongaleu ngin, ido kojar ikar luipu, bobo, kanuka ayongio ka aibuses naka Edeke, kanuka Yesu Kristo Ejakaitiwok.

Kwana Papa lokuju, mam ngin arai ejiisioit lokapolon, mere akwara naipusitai, mere angajep ka einer loka ekanerat ece, konye kede apaada nakanginiduc naka aiyuun. Abunit eong kanuka aijar kana, ka akuan na naekama lokasurup lo loka engoti adepar aingarakinio naka emuron. Konye abunit eong kanuke, atupuruc na, Ejakait, ainyakun nges toma amelo naelibilibi kakipi nueleete. Kokiror loka Yesu loipikorit, loarai eong Akebwoikiniton. Kede aiyuun naemamei esoswai, eyuunit eong ebe inyakunio nges, kede apedor kana naka ailip naijaik isio. Ojaun kwangin...?...

(Eyuunit eong ejai aijaanakin. Ejai?)

[Kotemari Onac Neville ebe, "Eebo, ipa. Ejaatatar ikalimonokinak iarei ecenacan luebeit aibatis."-Ekewa.]

Ijo ipedori aikeun ber akonikou ipak edit? Alimoki eong eokon ebe...

Edekasi itunga lu noi noi. Epote kesi angaleun. Bon mam...Ejok. Mam aisumunet naka Edeke ibiror. Ibwapi oni kes.

78 Ejai aijaanakin naka aibatisao. Ejaas itunga ice luibeit alosit. Ilosi oni ajaun kede aijaanakin bobo atibong na.

Ice ejai ne yenimam epedori abongun ne atibong na, ikoto ijo isio ailip kanukon kwapekwana, yenimam epedori ajaun ne atibong na? Ijo ipedori abunore do ne cut, arai mam ijo ipedori abongun ne atibong na. Abuni eong ajaun kede apak naepol; aismamaun ekokoro loka ailipanakin lukadekak, atibong na. Ebeit aibatis ittunga lu.

Ijaatatar ijo etelepat ne? Ejok. [kobuni onac ngaren kosodi alimokin Onac Branham, ejok arai ainak eong jo?"-Ekewa.] Eebo, onac. Eyalama, noi noi. Biai ejokunar arai asiom eong ngin akaulo araibo kwapekwana? Eyalama, ipa.

Kwana aria iinakis yesi isio idakika arai iarei aiyatakin mot, ti do ijaun kede-kede aijanakin naka naka aibatisao. Ajeni eong ikotokinos yes aanyun. Ido ngul luipudasi aibatisao atupuruc na, eebo, yes, amucalan olototo lailo aijul ikecegoen, kosodi ikiliok kolototo akan naka lailo. Ido ajai eong ailipanakin luka dekak, ojaas do yesi akapanakin kanu aijanakin naka aibatis. Ido kwana lu...

79 Kwana, atibong na, alosi eong aitolot a-ailip kobwoete itunga okokoro, atibong na, aipaanar, nepelomunete kesi toma. ido ilosi egear kotoma oitaabo losodit loka Ipeson, atibong na. ido ibuni

aiyalamikin noi kwana ajaut kede yesi toma, arai emamei jo ekanisa loebait alosit toma. konye arai ejai jo ekonicokon ka ekanisa, olosenen-olosenen do jo okanisakon loigangit jo.

Ngul luebeit alosit, kobeite anyoun kwapekwana, isirereng Edeke yes. Konye opotu bobo arai ipedorete. Ibuni aiyalamikin ajaun kayes.

Ebeit ijo da, ailipakinio, onac? Inyobo akonitionis? Epuresa.

kwana, yesi luce kere, etuluritos akwasiwok, ipak idio, ikoto ailip.

Papa eyalama eong Nekon, lolo, kanuka apaada naka ekecokon, ailip nabu ibirok engatuny akunginike, kosodete ajakar imerekek awai kamake, kosodete ainyakar nejai toto ka papake. Elipi eong kanuka onacekosi. Elipi eong ebe ayangauni Ijo nges da ejok toma, Ejakait. Opala epresia loka aokot ka atiokisio nuka aijarake. Ebwapakini eong nges, Kokiror loka Ejakait Yesu Kristo. Ojaun kwangin. Amen. Kisirereng Edeke ijo, onac.

80 Olosi kwap, aseseni eong ijo idakit, isapat yenemudukan.

Ibore idiopet bobo yenakoto eong alimun. Ajaatatar eong...adeka noi, alekanakin. Kasodi eong aomoom...mam eong akoto ijo atwaniar na, arai ipedori ijo. Abu eong aomoom ebe, "Edeke, inyobo ti ainak eong korai ti eong airar icetunganan ebwouni kokinga? Ti akaberu etema, "Billy, ejai etunganan loenjongit ne ekoto aanyun ijo,'

"Ido odoluni ekesa loaajaatatar epata kede ajul nuakwangak koreeteke. Abu kolom toma, ebala, Ijo nges Onac Branham?"

Abu eong atema, 'Eebo, ipa, nges eong.'

"Ekakiror nges Simon.' Kidokokini akekan mamaka, kosodi aseseni eong mot. Ebala, 'irai ijo ekeyuunan, Onac Branham.'

"Eebo."

"Ebuni ajokun.' Simon Petero, loka Obaibuli. Eipone lo tikesiyalamikinitor ngun! Amaeete nuipu nuabu nesi kolim. Abu bon kidokok akekan mamaka, ojaun ejok."

Ido inyobo abu kobu mamaka, kede aigange naka Edeke, kasianut naka Edeke, ejaas itomoneta luka ilukumin luka itunga luyunitos ibore ngipengin, korai ti eong abunore mamakes. Kasodi eong aomoom, "Ejakait, koinakinai do eong alot nejai idiotunganan yenapedori eong. Koinak eong bon-bon..."

Abu eong aomoom, "Arai ebu Simon, arai Paul, ice kotoma kakesi, alomun toma kosodi aremar ebe, " Ijo nges Onac Branham?"

"Eebo"

"Kidokokini akekan mamaka, kosodi aseseni eong kosodi atemar, 'Ejok, Onac Branham,' kolomari kinga.

"Ti eong angaleu. Ti eong angaleu cut. Abeit. Abu katema...Eyelepat, ti akatiting kitonyoun eong kanepakanen. Ti eong atema ebe alosi eong angaleun.'" Eebo ipa, ipa.

Ido ejaas itunga luyunitos ibore ngipengin lolo. Ido ngun kes abunit eong aswam ne, aidokokin akakanin mamakom, ailip Edeke.

81 Akoto eong alosit kede ikoku yen, inac, ipak edit. Erai ngesi itelepat yenemudukana. Adau bo ngesi apak naitia ai emudukana? [Kotemari inac ebe, "Anyoun aurio."-Ekewa.] Ageun aurio.

Biaibo jo itelepap! Oo, irai etelepapat loigogong loijok...?...

Oo, Edeke loka asianut! Adoketait namam imurok edolokinet, kapak naka auruunio naka itelepapat kayen, kwape keurunitere nges emudukan, ido mam nges epedori aseseni; etelepapat lo lominat, loibus. Kosodi lokasurup, napekeringa etelepapat edumunia arereng kotoma aijar, kodaka nges awai kotoma adolokinio nemam emuron epedori adolore. Aso ajai eong ebwapit nges, atupuruc na, Ejakait. Kapaada kana naepatana naka ailip. Edeke koinakinai eong enyak nges. Eriamakinis eong kede lokasurup, ajokit, Kokiror loka Yesu Kristo, ido eburauni eong itelepapat yen kanuka Edeke. Eburauni akeikweny, kanuka Edeke, anyakakin nges ngun nuabu Satana kokokwa kamake. Kojaunos ngesi kede kangin. Kokiror loka Yesu Kristo, ebuni ajaun. Kwana, ojaun kwangin.

Kwana, inac, naminat, kwana, mam ijaunos kede abunokin adio ebe elosi itelepapat yen angaleun. Ido akoto eong ijo, ainyakun nges ne okanisa, kosodi aitodiki itunga, ebe epedori ngesi aseseni, kwana, ijo mam inyakuni?

Koinak nges akeikweny, Kokiror loka Yesu Kristo...?...

82 Ejakait Yesu, aidokokin... Yenididi yenikiinakina isio ailip naepol kanuke! Konye, atupuruc na, abuni bobo eong Kokiror loka Yesu Kristo, alemuni apaada na naabu Ijo koinak eong. Ido ingaranak Ijo eong kede na, Ejakait, kede akonipedor, alemun i...kinga naka akituk naka engoti, kinga naka akituk naka atwanare, aitajaruunun lukatwak akaulo nadaunere alimor ebe atwakata, ido koperete kitenara kolilim. Abunokini eong lokasurup lo, kokiror loka Ejakait Yesu Kristo. Aso inyak nges bobo toma angaleu, Ejakait. Koinakinai ngin. Kiswamaun kwangin, kanuka aibuses naka Edeke.

Ido ijo ebeit ailipakinio? [Kinerakinos inac kede Onac Branham-Ekewa.] Ijo irai ayuunan? ["Eebo!...?..."] Ejakait, ayauni eong nges, toma aiboisit naepedori apaada na adolore. Kokiror loka Yesu Krsto, kinyekik ngol nges ido kinyek abongun bobo.

[Kinerakinos inac kede Onac Branham-Ekewa.] Eebo, apaada ngipengin, naabu kolot kosodi alemun Onac Harley, ido kanuka akokukon kaajo da alopet.

Kwana, Papa Lokuju, abunokini eong lokasurup, etwasamai apaada na naabu Ijo koinak eong, naarai ibala Ijo ebe, "Arai kiinak ijo itunga aiyuun ijo, kosodi araun lomunot nakilipia ijo," ebuni imoru ngin alosit kiton nejai iboisit yeneyari. Kolot kwapekwana, Ejakait, kwape kijukaria isio nges nejai ailipake. Kokiror loka Yesu Kristo, kojaun kwangin. Amen.

83 [Kotemari inac ebe, "Ido epupete ikabokor ejok cut."-Ekewa.]

[Kinerakinos inac kede Onac Branham-Ekewa.] Ejok, inac. Kwana irai oni...Edepasi amooritoke angarakinio naka emurok. Epedorete kesi ainakin ijo icebore kanu asubit ber bala aisinapikin ijo, konye ebuni ayangar ijo erono, akaulo kangin. Eebo. Kwana koany. Ilomari oni kinga akauloke, atupuruc na. Alosit kinga; ainyakun ijo. [Aiboisit naemamei ibore katepu.]

Ejakait Yesu..., [Aiboisit naemamei ibore katepu-Ekewa.]...amor akany, a-i-y-u-u-n, ka apaada naka ailip. Ido ajai eong ainyaku inacika kama ejaas ibelai luamamus ainapakin...?...kangina. Enyakuni eong nges toma ainapakin ka amelo naelibili ka akipi nueleete. Eswamai eong nu Kokiror loka Yesu Kristo. Amen.

[Kinerakinos inac kede Onac Branham-Ekewa.]

Papa Edeke, ipese yenididi yen, iyalama isio noi ebe mam arai adek naitonokoki amoori. Konye mamace nuerai ngesi, ipedori ijo adolokin, Ejakait. Ido abunit eong kede apaada naka aiyuun, ka amoru na. Ido ecikakini eong amoru na kede agogong kere napedoria eong acakar nges. Kokiror loka Yesu Kristo, ibir cut toma aiboisit alope. Ongaleu inacikosi. Eswamai eong na Kokiror loka Yesu Kristo.

84 [Kinerakinos inac kede Onac Branham-Ekewa.]

Kwape ka toto kana nadidi, ka ikoku yenididi, ikoku yenekoto ngesi airiamunor kangina, kosiep kaje, kotoma akwap kangin naka aibuses nadauni eong einer nuke kwapekwana, ido kes...mam toto ebuni ajar kiton...itonyou ikesa yen, ido mam ikesa yen epedori karaida ajar komamei aingarakiniokon. Konye abunit eong kede apaada kede agogong ngin kere ka alosikinet ebe apedori eong aikamun lokasurup. Ido Kokiror loka Yesu kristo, enomi eong nges kede na. Engaleunete kesi, kanuka aibuses naka Edeke. Kokiror loka Yesu. Amen.

[Kinerakinos inac kede Onac Branham-Ekewa.]

Oo, ejok ngin noi. Eyalama eong. Eebo, aijaankin ngin, apaarasia kangun, arai aijaanakin naadodunun itunga. Abu kododunun aswamisio...?...

Papakosi Lokuju, eria Satan toto na awai nemam imurok epedorete adolore nelwana. Epedorete kesi aicumar ekia bon ngina, Ejakait, lo bon ebuni aigurokin nges, ainakin nges etionikini ajenun nejai ngesi. Ido neebunio ngesi, omunaara do bobo erono noi. Konye abunit eong kede apaada na kede amor etetenite kede aipimas naitenara, kanu ainom toma. Kokiror loka Yesu Kristo, alemari eong anyunyura na kamake, kanuka aibuses naka Edeke. Amen.

[Kinerakinos icetunganan kede Onac Branham-Ekewa.]

85 Edeke lominat, Onac George loeperi kanelwana kangina, ejai atwanare, apak namam epol kau, aanyunit eong aiyuun ngin kiswamai kanuke. Kwana, ejaatatar ngesi kede adek naka akojo, Ejakait. Imisiikinit isio ebe apedorete kesi ainakin nges ekia loitililimi apipil, icebore yenepedori aitidisiar apipil, konye mam epedori alemar ibore awai. Aso iteteni isio ailip na, Kokiror loka Yesu Kristo. Konyou adek naka akojo. Kolot ngesi ore kosodi angaleun.

Eyalama, onac.

Biaibi ijo, naminat noi? [Kinerakinos inac kede Onac Branham-Ekewa.] Oo, ikatunga! Ejai akimingonor. Ipedori ijo aipup idiobore? A-haa. Edeparit nen nepedorete itunga adolore! Ijo irai ayuunan Ejakait Yesu?

[Kotemari inac ebe, "Amen."] Aseseni eong aberu naibus Kangina, adiopot kotoma apaarasia kanu. Ibuni bobo ijo adisiar ikar kere. Ajeni eong ebe ikoto aijar kwapekwana nejai akeibuses. Abongor nejai...

[Kotemari inac ebe, "Mam, etururei eong kanuka okokuka."] Okokukon. [Loaeka adau ikar iarei."] Mam ijo ipedorit adumun nges? ["Ejai ngesi akanin nuka Edeke."] Oo, abu ngesi-abu ngesi kolot? ["A-ha. Kotoma aditot naka atwanare."] Oo, ngun. ["Ido akaiturur."] Esipit aiturur. Eebo. [Esipit eong...esipit eong aiturur. Ido apupi eong bala, arai erai akot naka Edeke, akoto eong nges alemar eong. Amameotor eong idiobore dimarai aiyalama kotomaKe."]

Inac naminat, akoto eong ijo adolokin adoketait naipupuna ijo ejok. Epupunit ngesi aitapoet, atupuruc na? [Kotemari inac nace ebe, "Epedori ngesi aipup ejok."-Ekewa.] Eebo, olimok bodo ijo nges.

Eebo, elosi ngesi alimokin ijo nuapotu kiswamaunos. Kangina adepar Eyenganekon kane, idarit ijo etelepat ngol loketiai. Ibuni ijo araut naidit kwape kangesi. Amin, amin bon...[Kotemari inac ebe, "Mam eong akoto atemar ebe akoto eong alosit nejai ngesi, arai erai akot naka Edeke."Ekewa.]

Papa Lokuju, angetakin arot loka aijar. Emameete bobo nuipu nuideuna. Ido abu okokuke loketiai, kotubor kocilet kangol, korai bon ngesi opedori angoliar kau, tikelimu ebe, "Apaarasia adis bon." Idarit ngesi ataker, Ejakait, naebuni aitoria nges toma olisina, alosit nejai Akwap ngin naka Aibuses. Kisierereng nges, Papa, ido isinapik eketau. Ido koraun ngin aimorikikin bobo napolon, kojuai naka ecilet.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7